

Nuquitedi anquiadnuna

Seta icquid

5



Cuaderno de trabajo de inicial 5 años



PERÚ

Ministerio
de Educación

La ciudadana y el ciudadano que queremos



Curriculum
Nacional

Nuquitedi anquiadnuna

Seta icquid

5





Ministerio de Educación

Dirección General de Educación Básica Alternativa, Intercultural Bilingüe
y de Servicios Educativos en el Ámbito Rural

Dirección de Educación Intercultural Bilingüe

Nuquitedi anquiadnuna 5

Cuaderno de trabajo y folder - Inicial 5 años - Matsés

©Ministerio de Educación

Av. De la Arqueología cuadra 2, San Borja

Lima, Perú

Teléfono: 615-5800

www.gob.pe/minedu

Primera edición, 2020

Tiraje: 121 ejemplares

Impreso en Noviembre 2020

Elaboración de contenido

Anicia Tupa Jiménez Huanán

Revisión de contenido

Anicia Tupa Jiménez Huanán

Revisión lingüística

Fidel Inuma Pemi

Validación participativa

Reyna Ahuanari Clara, Mercid Beso Shabac Duni

Asesoría y revisión técnica Digeibira-DEIB

Bertha Liliana Pacheco Díaz

Ilustraciones

Jean Pool Bejarano Herquínigo

Archivo Digeibira-DEIB

Diseño y diagramación

Cynthia Carolina Guivobich Vargas, César Adolfo Yeckle Castro

Cuidado de la edición

Marlene Sofia Silva Huerta

Impreso en CECOSAMI S.A.

Cal. 3 Mza. E Lote 11 Urb. Santa Raquel - Lima - Ate

RUC: 20469820531

Hecho el Depósito Legal en la Biblioteca Nacional del Perú

Nº 2020-05848

Todos los derechos reservados. Prohibida la reproducción
de este libro por cualquier medio, total o parcialmente, sin
permiso expreso de los editores.

Impreso en el Perú/*Printed in Peru*



Bedanquin tantiamiaid

Umbi tantiaido champibobëdi dadampibo dadauaquido:

Nëid dadauate isbante mibi chedona nec. Bëdambo dayacqio icquin nabanombi, chonuadquin. Mibi ismequido tedi tsidadash tabadquin nabanombi. Ma mibi chedo bëdambuec anquiajdec mamënnu queshun. Nëid dadauaten bëdambo mibi anquiajtiadqio icquido iquec. Mimbentsëqui nabanec, mibëtan dadauaquidbëtan nabanec, min shubun icquidobëtan nabanec. Nëid dadauaten bëcadobanquin isbanec mibi anquiajdec. Mibi yacnoshon nabanaid, tsidadash tabadquin nabanaid, ënden icaidbëta tantiaquin nëbi icquid isbanec, nimëduc icquidobëd bëdambo icaid chedo. Adecbidi utsibo yacnoshon nabanaidtsen isbanec. Nëid dadauaten dadpenquioshë anquiajquin mimbi istuidec. Ënden icnëdaid bëdaidqio nec quequin tantiabankimbi, nëbi icaid isbanec, cun onquetembi onquequid nebi quequin tantiec. Bëca abentsëquën mimbi natequid icnidec: mibi mamëntequid, mapin tantiatequid, daëd bedshun isbantequid, naquin istuidbante, sauan dadauate, annoshcabante, dënaimbante. Aden nabanquin chuinanec bëdambuec mibi anquiajdec.

Aden nabanquin min dadauate shubu bëdambocqid mimbi icmec. Mibi matses bëdambuen tantiaqid icmete. Nëid dadauate bëdambuen dayunuaquin istac mibi caimbi. Ma mibi aidën icquid anquiacnuc, mibëd icquidbimbuec iuecquio icquin.

Dirección General de Educación Básica Alternativa Intercultural Bilingüe y de Servicios Educativos en el Ámbito Rural (DGEIBIRA)

Min sauani
dadauashun min
cuëmëdaid dadaua.



Cun cuëmëdaid

Bacuëbo ismequid chido chiaid:

Bacuëbobëtan dadauate bëcadoquin isbanquin chui, midacquid abi bunaid iqueque.

Chui:

- ¿Midapaden nuqui aidën dadauate nec quequin tantiape?
- ¿Atoda natiad nëid cun dadauate nec quequin tantianun?

Bacuëbo nashun ambi dadauatequid nëid tëshquin “Cun cuëmëdaid”.

Bacuëbo chui ma ambi aton “sauambëta aton cuëmëdaid” dadauate istuidnu.

Istanquin dadaua:








Nuquin shubu nanuna





Min cuëmëdaid:

¿Midapaden shubu napec ubi iccuededacnoshon?

Bacuëbo ismequid chido chiaid:

Bacuëmpibo chuiban:

- ¿Midapaden shubu napec?
- ¿Ada iso? ¿Tsundan aton shubu naush?
- ¿Tsudabëtan aton shubu naush?
- ¿Atoda bedpec shubu nanun?
- ¿Tsundan shubuuquin ismepanëdash?

Bacuëmpibon chuibansho tantiashun dadauban.

Umanuc shubu tabadacno isbennec nidshun naden chui:

- ¿Atoda naid shubu nec?
- ¿Tsundan aton shubu naic?
- ¿Midapaden shubu nabanc?
- ¿Midapad shubu tabadec?
- ¿Tedtsi nuqui yacno shubu icpec?
- ¿Mitsipad shubu icpec utsi yacno?

Dadauate shubu yacno auchi choshon isbennec capuquin shubu isbambued chuiban.


Bacuëmpibo dadauatebëta chicshun bitaccatsëcte mene bëca.

Tsiuec bëca icquidën sauan nibën A1.

Shubu dadauaid sauan icquid isquin chuiban. Aden isbanquin nëmbo cun shubu ictsiash quequin mëdban. Mibi yacnocquid shubumpi istanquin, dadauate cachoc icquid tëshshun bitaccaban. Nëmbo cun shubu ictsiash quequin mimbi isbocno.



Istanquin dadaua:



Min cuëmëdaid:

Nuquin buchidon nuqui mëquiaquec

Bacuëbo ismequid chido chiaid:

Bacuëmpibobëd shubu nacno nidshun istan.

Shubu icbon shubu nate tedi ismebanquimbi,
naden nëidën shubu naqid quequin
chuibanec.


Dadauate shubu yacnouësh bacuëmpibobëd
onquequin tantiabaneç. Nuquin buchidon
chiaid natequidquo nec bëdambuen shubu
nanun quequin.

Ambi dadauabantequid dadauate mene.

**Sauan isquin chuiban atoda matsesën naique. ¿Tsundan matses namepec?
Buchidon sauan annoshca.**



Istanquin dadaua:



Min cuëmëdaid:

¿Atondan shubuuaquin nabantiad?

Bacuëbo ismequid chido chiaid:

Dadauate shubu yacnoshon bacuëmpibo chui,
shubu naquin sanante tedi chuiban quequin.

Adoshon tanme mitsitsipadec papa, buchi,
mibi yacnocquido aidën chonuadpec quequin.

Dadauate meneban ma shubu naic
chonuadtequid ambi chuibanaidën sauan
abibimbuecnuc dadauanu. Aden nashun ambi
naid tsitsanën sanduec. Adtanec umanuc
pduuenec.

Adoshon umanuc buan mamënteyacno.

Adotanquimbic tsitsan tsadunme
nënananquio mamënteyacno.

Bacuëmpibon 4 ted seta icquidon bedec,
tsitsanën ambi sandobued nibënquin.

Adshun isec abëd icquidobëtan tsundan umbi
bedaidquiobidi bedosh quequin.

Abiuidquo bedquidtedishun chiec, nadec
nëidën chonuadec quequin.


Bacuëmpibo 5 ted seta icquidon sauan
dadauaid bedbanec. Aden bedtanec aidbidi
bedquiduidquo tsidadshun nidaidën sanec.
Aden sanshun isbanquin ambi bedaidën
cuëmëdaid chuibane.

Ambi nabantequid dadauate meneban,
dadauate cachoc ënëdacno sauanëmpi
icquidbëta.

**Midacquidën bëchun shui matueque abimbo yacno semequin sin. Adoshombic
midacquidën ayash tësnun tepec.**



Istanquin dadaua:



Min cuëmëdaid:

Nuquin shubu naic abitedi tsidatshun

Bacuëbo ismequid chido chiaid:

Bacuëmpibo isme damina caidën shubu naquidën sauan dadauaid.

Adoshon naden chuiban:

- ¿Tedita matses sauan dadauaidën iquec?
- ¿Atotsi nabedec?
- ¿Midapadec chonuadcuededec?
- ¿Atotsi quepatsiash aton matsesadon shubuuauquin nuqui nashunac?

Bacuëmpibon papa abentsëc chome, ma bacuëmpibobëta champichedo tsidatash chonuadac bëdambo icaid tedi chuiquin tantiamenu.

Matsesën tsidatshun naidtedi chuiban: shubuuaic, tieduaic, chetequid icsho bedec, nuëcquid dectatoquid bedec.

Bacuëmpibo chuiban:



- ¿Atontsi napec aton shubu yacno nashunun?
- ¿Atotsi napec dadauate shubu yacno nashunnun?

Tsiuec bëca icquidën sauan nibën A1.

Matses tsidatash chonuadquid issun bitacca. Adoshon dadampibëta chidompi tanquin cuestempin tancaquin tamban.



Istanquin dadaua:



Min cuëmëdaid:

Shubuuquin bedannuna

Bacuëbo ismequid chido chiaid:

Shubu nacno nidash mibi chedo anquiaduededbued ada tantiabedede.

- ¿Midapadquid cueste nec shubuuatequid?
- ¿Midacquidquo buintad nitsimpec?
- ¿Midacquid cuituadte nec?

Bacuëbo 4 ted seta icquido cuestempi nuapambo icquidbëta aniactsëquidëmpí meneban.

Abitedi cuestempi tembimbo icquiduidquo bëdambo iquec.

Cuestempi tembimbo icquiduidquo tsinac quequin chui.

Bacuëbo 5 ted seta icquido cuestempi nuapambo icquidbëta aniactsëquidëmpí meneban utsi-utsiequid.


Cuestempi tembimbo icquiduidquo tsinac quequin chui.

Ambi nabantequid dadauate meneban, dadauate cachoc ènëdacno sauanëmpí icquidbëta.

Shubu shictodouaid min dupisën nainquin dadauaban.



Istanquin dadaua:



Min cuëmëdaid:

¿Atotsi nabedec dadabëtan chidon shubu nëshnun?

Bacuëbo ismequid chido chiaid:

Bacuëmpibo chui mitsipaden chidobon nashumpec, shubuuacno.

Adembidi dadabontsen mitsipaden nashunuapèc quequin. Bacuëmpibobëd nidshun aton buchidobëta aton chichi isme ma budëd daëdcaquin ismenu.

Dadauate shubu yacno chouash tiquidiuash tabadquin champichedon chiec, bacuëmpibo.

Mitsipaden chiosh nuquin buchidon budëd daëdcate quequin.

Adec onquetanquin bacuëbo ismequid chidon papedoten shubu nëshnun nainquin shictodouaquin sauan dadauid dectanec. Aden dectanacsho bacuëbon ambi shubumpi daëdcaid bëbued nështoquin tanec. Ambi aton papa chedon nasho isboc padombuen.

Tsiuec bëca icquidën sauan nibën T1.

Tështanquin shubu podompi daëdcacbimbuen natanquin, shubu shictodouaid icacno bitacca.



Istanquin dadaua:



Min cuëmëdaid:

¿Mitsipad matsesën shubu icpec?

Bacuëbo ismequid chido chiaid:

Bacuëmpibo champichedobëta chui shubu tabadacno isec nidnun. Adshun isme shubu icquidtedi.

Nadentsembidi chiac bëdambo iquec:

- ¿Mitsipad shubu iquec?
- ¿Atotsi nëshaid nec?
- ¿Midapad quënëuaid isadec?
- ¿Tedtsi iste shëcuë iquec?
- ¿Abitedimboda abibiuidquo isadec?

Aden istanec chouashun paped meneban, ma shubun sauan abentsëc dadauanu ambi isbued.

Aden nainquin shubun sauan natanquin mibëtan dadauaquido chui quequin chui midapad ambi shubun sauan dadauaid iqueque.

Dectan nidaidën sauan dadauabued.

Bacuëmpibo 4 ted seta icquid chui:

- ¿Abitedimboda abiuidquo isadec?
- Abiuidquo isadquiduidquo dectamban quequin chui.

Bacuëmpibo 5 ted seta icquid chui:

- ¿Abitedimboda abiuidquo isadosh?
- ¿Midacquid shubu padpidaëdquo tsaduntiad icpec?

Ambi nabante dadauatebëta matasante meneban.

Tsiuec bëca icquidën sauan nibën A2.

Sauanëmpi tasbantanquin abibimbuec isadquiduidquo bitaccaban. Adoshon mibëtan dadauaqid chuiban, midapaden tantiaquin mimbi tsinacquin bitaccae.



Istanquin dadaua:



Min cuëmëdaid:

Mamënuna tsavesbëta bëdi tanec

Bacuëbo ismequid chido chiaid:

Umanuc puduenash bacuëbobëd mamëncueded, tsaves aton shubun puduedaid tanec.

Bacuëmpibobëtan 4 o 5 ted shëcuëbimbuecnuc tiquidua.

Bacuëmpi abentsëc bëdi caid nec, bacuëmpi utsibobic tsaves caid nec, nimëduc capuqid.

Utsitsen nëish bëdin piaid tanec mamëncueded.

Padpidec mamënquin bedan utsi-utsien nëish éctanec, bëdin piайдти.

Tsiuec bëca icquidën sauan nibën A2.

Min sauambëta bëdin sauan dadaua, mamënquimbi. Adoshon mibëtan dadauaquid chui, midambo bëdi iquec, midambo mibi iquec.



Istanquin dadaua:



Min cuëmëdaid:

Anquiadacsho iste

Bacuëbo ismequid chido chiaid:

Tiquidiuquin bacuëbo tabëc. Adec tabadquin dadauamequidën chuibanec bacuëbo abi anquiadaid. Ma bëdamboen tantianu queshun bacuëbo ismequidën naden chuibanec:

- ¿Midacquidtedi nuqui isedpo?
- ¿Tsuda chedo nuqui isedpo? ¿Adembidi tsuda chedon nuqui isedposh?
- ¿Atoda nuqui ismeposh?
- ¿Atoda nuqui tantiacmaid anquiadpo?

Aden tantiakin bacuëmpibo ismequidën menebanec. Bacuëmpibon ambi nabante utsi-utsien ma sauan nanu queshun. Adembidi ma annoshcanu queshun. Adecbidi abi ushë abentsëquën anquiadaid tantiec ma utsi-utsien chiec onquenu queshun.




Istanquin dadaua:





¿Atotsi mëdanten nabanaid icpec?





Min cuëmëdaid:

¿Tsuntsin daëdcaquin ismebempanëdash?

Bacuëbo ismequid chido chiaid:

Min bacuëbo nëid ènden chuinëdaid tantiame:

Ènden matsesën nëish cuesquid
tsibampanëdash.

Adec tsibanec nidquimbi tsitsanëmpi bëdambo
ictseñuc daëdcaidën aton machi buansho
ispanëdash.

Ashunquio aid bedshun isquin daëdcaquin
tanec mëquiadpanëdash.

Aden chic-chicquin isequi
mëquiadcuuedpanëdash tsitsan daëdcaic.

Bacuëmpibo chui:

- ¿Tsuda matsetsën tsibampanëdash?
- ¿Atoda tantiate bunquiopanëdash
matses?

• ¿Atondan buampanëdash aton pete?


• ¿Atoda capanëdash tsitsan?




• ¿Atoda tantiabempanëdash?

• ¿Midacquid min matsesën daëdcaquin
tantiapèc?

• ¿Midacquid mibi daëdcate bunquiaid
nepec?

Tsitsan nainquin daëdcashun. Adoshon tsitsan daëdcaquidën cuëmëdaid tsadun.





Min cuëmëdaid:

Midambo nuqui bedpe di daëdcanun

Bacuëbo ismequid chido chiaid:

Midambo utsi-utsien daëdcaquin tantiaquid iqueque nidshun aidën daëcaid isbededtan.

Ambo nidshun daëcaquid icbo chiec ada bacuëbon mishac bëdambo icpatsiash quequin. Aton matsesën chiec utsi-utsien ambi daëdcabudniaid isquin aid daëdcaid nec quequin. Dadauate shubu yacno choshon di bidi cashun daëdcaiduidquo isme, sedunte nacnenaid, dëshote tsasicquid, nëshaid daëdacaïd, chiun chedo.

Adoshon naden chui:

- ¿Midacquid nimëduc bedshun naid nepec?
- ¿Midapaden naic quequin tantie?

¿Ada di dachinshun daëdcaid min shubu yacno iquec?

Adoshon bacuëbo naden chui:


- ¿Atoda mimbi daëdcaid min shubu nuntan iquec?
- ¿Tsundan aid di dachinosh?
- ¿Tsundan aid nate di dachinosh?
- ¿Midambo aid nabante di bidicate bedosh?

Tsiuec bëca icquidën sauan nibën A2.

Adoshombic abiuidquo tsinac tiquidiuashun, tsasimbocquiduidquo daëdcaiduidquo, posadquiduidquo.



Istanquin dadaua:



Min cuëmëdaid:

Atoda ayashën napec

Bacuëbo ismequid chido chiaid:

Chuiban bacuëmpibo shëdë icaid chuimequin ma aidéntsen ambi tantiaidtedi chuibantu. Umanuc puduen bacuëbobëd shidë nibënec. Adotanquimbic istuidshun chuiban midambo iquec. Midambo aton podquiedën nidannec neque isban quequin.

Chuiban:


- ¿Ada shëdën podquied tsibambanquin isonda?
- ¿Midambo nidec?
- ¿Midauëshquo unësec?
- ¿Tsundan tantiec ayash chiaid?



Cute nibën ayash diadquid. Adoshombic chuime nëid ayash nec quequin, ma chuinu dadauanun. Chuiban aton buchidon adec shëdë unësec quequin chuibued. Aton nitempi ayash yanec quequin. Utsi nua iquec, utsibic pictsec utsibic ënapenquo, utsibic bushuctsëc.

Adembidi chuiban mitsipaden ayash tëspec bushuctsëc tësedenquo yec ma ënapen tësednu queshun.

- ¿Atoda nate ayash nepec?
- ¿Mitsipaden ayashën napec?

Adoshombic mitsicquid ayashën buintadbëta cueste daëduaquin tanep. Midacquid ayash tsitsan daëdcate neuapec.





Min cuëmëdaid:

Mamënuna shuccaten

Bacuëbo ismequid chido chiaid:

Bacuëmpibo chui ma shuccate icbo-icboen bënu.

Bacuëbo ismequid tsidadash bacuëmpibo champichedobëd mamëneç dashuccananec. Bëyuc dabushcananec. Adtanec shuccatentsen dashucquec. Chuibanc: ¿Midacquidën acquiepambo cuncaic, bushcac o shuccaten shuccac? ¿Atoda utsi nate shuccate neuapèc? ¿Mitsipaden daëdcapèc? Bacuëbon aton shuccate isquin chuibanec. Adoshon ambi shuccate daëdcasho isbued chuinanec.

Mamën bacuëmpibobëd dashuccananec. Shuccate dada tedishuna tsinacac:

- ¿Tedtsi icpatsiash?
- Chido tedishun shuccate tsinacac
¿Tedta icpatsiash?

Atoda natiad shuccate 5 tedquio icmenuen.

- ¿Tedta daëduac bëdambo icpec?


Bacuëbo meneban dadauate shubu nuntan icquid. Nadquid ictsiash, cuembo tambante, mamënte, sedunte bëchudante chedo.


Adoshon chuiban:

- ¿Tedtsi ismete iquec?
- ¿Tedtsi padabi iquec 5 ted yante?

Tsiuec bëca icquidën sauan nibën A3.

Tedta shuccate daëduashun bedshunuac bëdambo icpec, 5 tedquio sinaid abi daëdën icmenuen.





Min cuëmëdaid:

Tote daëdcanuna bacuëmpi dete

Bacuëbo ismequid chido chiaid:


Bacuëmpibo chui naden: ¿Tsundan utsi bacuëmpi iccosh? Bacuëmpin champibëtan ècbednubi abi chuiban.

Chuiban mitsipad min utsimpi iccoshe.

- ¿Titanda abentsëqui nianosh?
- ¿Tied nantan nidquin mitsipaden titan bacuëmpi buanosh?
- ¿Midapaden cuëmpec bacuëbo dedonon daëcaid?
- ¿Mitsipaden daëdcapec?
- ¿Ada iso bacuëmpi dedote tote daëcasho?
- ¿Ada tantie titan mibi dedote tote daëdcaid?
- ¿Tedectsi ushquin bacuëmpi dedote tote daëdcaush?

- ¿Ada bacuëmpi dedote tote nate bune? Isban min dadauate ada aton bëdiuaid abitedimbo bëdambo isadeque.

Tote bëdiuaid dënainquin bëdiua. Adoshon titan cuëmëdaid dadaua tsidion sinaid icquidën.



Istanquin dadaua:



Min cuëmëdaid:

Macubobëd tsasibo

Bacuëbo ismequid chido chiaid:

Macubobëd tsasibon sauan naid icquid nacnen. Adoshon madin shubumpin sando.


Bacuëmpibo cuën ma abitedi tiquiuaic tabadnu. Adoshombic chui mimbi bedte bëdaiquo iquec, quequin ma aton matsesbëtan isnu.





Adotanquimbic chui ma papedëmpi abentsëc madin shubun icquid bednu. Adoshombic isenquiocquin ma sanannu. Abitedimbo aton papedëmpi bedmetanquin chui is atoda nec quequin.

Aden istanec midapadeque is. Adoshon chui atoda nec mimbi bedaid quequin. Isambo iquembi quesho utsitsen bedme madin shubun sandued icquid. Bacuëbo ambi isaid icnuc bëdambo yacno cuëscaquin.

- Chuime ada aton matsesën cuëmëdaid tantieque.
- Adoshon tsasiboda min matses niosh o macubo quequin chui.

Min mauete bëdiua “min tëbo” caid icacpad isadnuc. Adoshon cuëmëdaid dadaua sinaidën.





Min cuëmëdaid:



Matsu nacnente nidaid ushu istuidnëdaid

Bacuëbo ismequid chido chiaid:

Badiadshunn natequid icnuc istuid, shocoshëmpı o matsumpi nidaid nacnenaid. Adoshon bacuëbo chui ma cuenadec tabadtono. Adash aidon bëyuc nidto. Adoshon matsumpi ismequimbi naden chui.

¿Atotsi naid nec? Adoshon bëdambo ictsëcquid ènden chuinëdaid mibi chedo tantiamembi quequin chui.


Icpañedash macho abentsëc codocate bunquidquo. Adecbidi matsu nacnente bunquid, maspan nacnente bunquid, padapadaid chedo nacnente bunquidquo. Adshumbic aton baba chiondash, naden nimëduc nidnu nid, acte cuidi aniactsëcquid istuidec quequin. Ambo nidaid bëdambo ictsëcquid iquec quiash abidaëdi cuishonquequiec acte cuëman nidanniondash. Ambo nidshun isac masiuidquo icpanëdash. Bëdapenquo icquid nec capanëdash aton chin.


Adsho aton baban nadopanëdash, adembi udicteç nibënuna acte cuidi yacno èquëduc uëdëshcashun nibënquin capanëdash. Adanec nidquin istuidpanëdash. Nidaid bëdamboshë icquid. Aid nidaidën utsi tedi nacnempanëdash: matsumpi, pada-padaid, têchumpi chedo. Adanec chuishonquequiec nidquin machon aton baba chuanpanëdash, nëid nidaid ushu nendac baba quequin.

Chuiban.

- ¿Ada ènden chuinëdaid bëdambo iccosh?
- ¿Midacquid matsu nacnente buntsia?
- ¿Midapad isadquidën danoshcatsia?

Matsumpi bëdambuen tëbëdiuatsëc. Adoshon padapadaidbëta maspan annoshca.





Min cuëmëdaid:

Utsi-utsiec nocoshcate nimëduc icquid iquec

Bacuëbo ismequid chido chiaid:

Aton tita abentsëc chomequin matsesën nacnenaid nocoshcate utsi-utsien naquin tantiaquid.

Ma utsi-utsien buanec nidnu (piute, chëshëte, o piuuate).


Meneban utsi-utsiec isadquid annoshcate dadauate sante yacno matsumpi aniactsëcquidën cushtobanshun, sedquid tëshun, adembidi dashcute cuëshëmpì. Adoshon atoda nec quequin chuimetanquin ma danoshcabannu utsi-utsiec isadnuc.

Bëdambuen dayunua bacuëmpibon abi mamënte meniaidtedi.

Chuiban: Midapad mimbi nabuedo yanosh.

- ¿Mitsipad isadosh sedquid?
- ¿Dashcute cuëshë?
- ¿Ma shiadshiadquid?
- ¿Nëbi midapad yanac utsi-utsinquier annoshcac?
- ¿Mitsipad yanosh nocoshcate?
- ¿Mitsipad isadquid niosh?
- ¿Abitedida danoshcabanac?

Bëdambuen is tëshquën icquid. Adoshon annoshcaban abi isadac paden abi yacnombo. Adoshon chui midapad yaneque.



Istanquin dadaua:



Min cuëmëdaid:


Anquiadacsho iste

Bacuëbo ismequid chido chiaid:

Tiquidiuquin bacuëbo tabëc. Adec tabadquin dadauamequidën chuibanec bacuëbo abi anquiadaid. Ma bëdamboen tantianu queshun bacuëbo ismequidën naden chuibanec:

- ¿Midacquidtedi nuqui isedpo?
- ¿Tsuda chedo nuqui isedpo? ¿Adembidi tsuda chedon nuqui isedposh?
- ¿Atoda nuqui ismeposh?
- ¿Atoda nuqui tantiacmaid anquiadpo?

Bacuëmpibo ismequidën menebanec. Bacuëmpibon ambi nabante utsi-utsien ma sauan nanu queshun. Adembidi ma annoshcanu queshun. Adecbidi abi ushë abentsëquën anquiadaid tantiec ma utsi-utsien chiec onquenu queshun.







¿Atoda natiad nuquin nuëcquid
uesadnushe queshun?





Min cuëmëdaid:

Nuëcquid yanaid chiaid tantianuna

Bacuëbo ismequid chido chiaid:

Menabo iccuededpac cadennec. Adnubic uesnid matsesanec chobuedën nuëcquid ancuesnu quec nidannesho tsibampac caundash. Midapaden naique isnu queshun.

Menabo nidannepampic, ambi ancuesnu cacno. Ashunquio ancueste dadpen timpac caundash.

Adec iuecquio icsho issun uesnidën chuipac caundash naden: aden naquin mimbi nuëcquid bedenquio iquec, cueste ënapen icquid tetan capampic.

Adoac menabon cueste ënapen icquid tetanec choquin uesnid menepampic.

Aden cueste meniac bedshun uesnidën acte nënantanquio cute uequidën nidquin nënantanquio pumbucpampic.

Adonobi acte badedquio uesadquidën dadpenquio nuëcquid icpac caundash,

pesquedequetsëcquiec.

Adsho issun menabon dadpenquio nuëcquid bedbededpac caundash. Sambudtannetsëcquien.

Aden uesnidën menabo nuëcquid bedquin ismepac cadennec.

Bacuëmpibo chui: ¿Tsundan nuëcquid bedquin matses ismepampic? ¿Atondan nuëcquid bedte bumpampic, menabo?

- ¿Midambo nuëcquid bedpampic uesnidën?
- ¿Midapaden matsesën nuëcquid bedec nëbi?

Ambi nabantequid dadauate menebanshun, ambi tantienquio icaid istuidquin nashun.

Midashun uesnidën nuëcquid bedquin ismenëdaid iqueque chui. Adoshon annoshca.



Istanquin dadaua:



Min cuëmëdaid:

Nuëcquid bedtequid icnuc icaid

Bacuëbo ismequid chido chiaid:

Onquecueded bacuëmpibobëd acte uesadnuc icaid chiec. Adoshombic naden chui:

- ¿Atotsiquiash acabëd chadac acte cuëman icpec?
- Bacuëbobëd umanuc puduen mamëncuededec.

Adash tiquidiuaic tabadquin chuime nëbi nuqui chian cuëman acabëd chadac tabadacbimbuec nec quequin. Adoshon naden chui:

¿Midapadec acte cuëman aca tsadpec?

Adoshombic chui, tsidad aca dadampiuidquo, aca, chidompiuidquo quequin.

Adashic manëdaid ënapen icquiduidquo, manëdaid bushuctsëcquiduidquo quequin.

Adec dashcute abi padquiduidquo dasiuidquidtsen tsidadnidequi aca acte cuëman tsadacbimbuec tabadnidec.

Dadauate shubu yacno choshon ambi natequid nabantequid nacnenaid meneban ma abiuidquo tsinacbanquin nabannu.

- ¿Atotsi acan naic acte cuëmanshun?
 - ¿Mitsimbo nuëcquid icpec?
 - ¿Midapaden nuqui tsinacpatsia?
- Tsiuec bëca icquidën sauan nibën A3.

Nuëcquid nuacquidbëta aniactsëquidëmpi bitaccaban.



Istanquin dadaua:



Min cuëmëdaid:

Nuëcquid bedquidquo icnush niaid

Bacuëbo ismequid chido chiaid:

Nuëcquid ansemequin tantiaqid yacno nidshun tantianush nacnemëdcueded. Ambo nidash bëdambuec tabadnuna quequin chui.

Nuëcquid bedquin, adembidi ansemequin tantiaquidënquo nuëcquid mapi chenda ansemequidquo icnun quequin chuibanec. Adembi acaten chedo siadquid nuëcquid ansemequid icnuec chedobi.




Dadauate shubu yacno chouashun naden chuiban:

- ¿Atoda iso?
- ¿Atoda mimbi natiadquo icnuc chuibanosh?
- ¿Ada mibi chuibanosh nuëcquid ansemequin tantiaquidën?

Sauan dadaua mibi caniash icté bunaid.



Istanquin dadaua:



Min cuëmëdaid:

¿Atoda tëshën nuëcquid ansemetiad?

Bacuëbo ismequid chido chiaid:

Nuëcquidbitsecnuc utsi-utsien nacnentanquin bacuëbo naden chuiban:

- ¿Atondan nuëcquid bedquin tantie?
- ¿Tsundan mibi ismiondash?
- ¿Tedtsi nuëcquid utsi-utsien isonda?
- ¿Atoda buampec nuëcquid ansemenun?
- ¿Atoda chequido nuëcquid nec?


Umanuc puduen-puduen. Adshun isme nuëcquidbitsecnuc nacnenaid. Adash mamën nuëcquid ansemequin tanec. Nëid tëshën nëid nuëcquid ansemec, quequin tambanec.

Naden caimbi: nëid mani sinaidën bëdichued ansemec, nuenëmbic, mësianquid quequin.

Abimbo yacno simban midacquidën ansemetequid nuëcquid neque.



Istanquin dadaua:



Min cuëmëdaid:

Nëshaidën nuëcquid bedaid

Bacuëbo ismequid chido chiaid:

Bacuëmpibo chui nëshaid nuëcquid bedte ada isnëdaque. Chuiban:

- ¿Midambo nuëcquid bedo nëshaidën?
- ¿Tsundan mibi ismiondash nuëcquid nëshaidën bedquin?
- ¿Atoda chidobon napec dadan nuëcquid bednuc?
- ¿Midapaden nëshaid tsedopec?

Chui cuembo bacuëmpibo, champichedobëta tedtsi nëshaid icpec, nuëcquid bedte quequin.

Bacuëmpibo isme nëshaidën sauan utsi-utsiec icquid ismequimbi ada cuembo tantiague chuiban.

- ¿Atoda nuëcquidquo dadpen bedadpec nëshaidën?

Ambi nabantequid dadauate meneban.
Adoshon ambi tantienquo icaid nashumban.

Tsiuec bëca icquidën sauan nibën A3.

Nainquin nëshaid dadaua. Adoshon aidën bedadquid nuëcquid bitacca.



Istanquin dadaua:



Min cuëmëdaid:

¿Atoda nuëcquid nuqui istuidpe chianën, actedapan, acte cuidin?

Bacuëbo ismequid chido chiaid:

Bacuëbo ismequidën chuibanec, bacuëmpibo, champichedobëta: atoda nuëcquid nuqui istuidpe chianën, actedapan, acte cuidin quequin.

Ada nuëcquid utsi-utsiec icpec nuacquidtapa aniactsëcquidëmpi quequin.

Nuëcquid bedquin tantiaqid chome, ma bacuëmpibo, champichedobëta chuinu, midapadec nidpec nuëcquid bedec, midambo nidpec quequin.

Bacuëbo ismequidën bacuëmpibo naden chiec:

- ¿Midambo nuëcquid bedec nidpec?
- ¿Atoda nuëcquid chianën icpec?

- ¿Tedtsi nuëcquid chianën icpec?
- ¿Atoda nuëcquid actedapan icpec?
- ¿Atoda nuëcquid actecuidin icpec?
- ¿Midambo nuëcquid bedec nide?
- ¿Ada chianën nuëcquid bedpec?
- ¿Acte cuidi chedombida nuëcquid icpec?
- ¿Atondan nuëcquid bede?
- Ambi nabantequid dadauate meneban. Adoshon ambi tantienquio icaid nashumban.

Nuëcquidën sauambëta acte cuidi dadaua.



Istanquin dadaua:



REPÚBLICA DEL PERÚ

REGISTRO NACIONAL DE IDENTIFICACIÓN Y ESTADO CIVIL

DOCUMENTO NACIONAL DE IDENTIDAD

DNI

12345678

Primer apellido

Segundo apellido

Nombres

Nacimiento: fecha y lugar

Fecha inscripción

Fecha emisión

Fecha caducidad

Sexo

Min cuëmëdaid:

Cun cuëmëdaidbëd cumpan cuëmëdaid

Bacuëbo ismequid chido chiaid:

Nabanteno bëyuqui bacuëbo aton DNI bëdambo isadnuc chicshun bëbëta quequin chui.

Cuëdën cuëdënte cun cuëmëdquid quequin cueuacash.

Nëbi anquiadnuna midapadec nuquin cuëmëdaido iqueque.

- ¿Mitsipadec cuëmëde?

Ubi cuëmëdebi.....cumpa chedon cuënondashi, ma adec cuëmëdnu queshun. Nëbi bëdambo iquebi cun cuëmëdaid iquec.

Bacuëmpibobëta champibo chui:

- ¿Midapaden chiec cuëdënte iquec?
- ¿Abitedi bacuëmpibo champi chedobëd aton cuëmëdquid iquec, abi cuëmëdaid tsibanquidbëdi?
- ¿Tsundan mibi cuënondash?

- ¿Ada tantie midashunquo DNI chicte dadauamepec?

Bacuëmpibo tsësiodapan DNI isme. Adoshon chuiban tsundana nec quequin.

- ¿Tsundana nepec?
- ¿Atoda dadauaid nuqui istuidpo?
- ¿Abiuidquioda DNI icpec?
- ¿Midapad icpatsiash nuquin DNI nibëdnuc?

Paped tsasimboctsëcquidën bacuëbon cuëmëdaid daduabanshun meneban. Adoshon abi bunacpaden bëdambo ictseñuc cuidadaubantsëcquin nacnen.

Min shubun icquid ismequin min cuëmëdaid dadaua. Adoshon min sauantsen dadaua.



Istanquin dadaua:



Min cuëmëdaid:

Nuëcquidbëta Pete codocate

Bacuëbo ismequid chido chiaid:

Bacuëbon tita chome dadauate shubu yacno ma aton bacuëbo nuëcquidbëta pachid codocaquin ismenu.

Adoshon bacuëmpibo naden chuiban:

- ¿Atotsibëta titan ambi codocaid chuisho tantio?
- ¿Mitsipadombuen codocanun titan tantipec?
- Pete codocaquidquo iquec, ¿mitsipadquo tita chedo icpec?
- ¿Atotsibëta tita chedon codocaid pebededo?
- ¿Atontsin titan codocaush?

Codocaid dadpen icnuc,

- ¿Codocashun ambentsëquida tita chedon pebededpec?

Ambi nabantequid bacuëmpibo dadauate meneban, ma ambi tantiabued sauan abibimbuecnuc dadauashun annoshcanu.

Nuëcquidbëta pachid codocate dadaua.



Istanquin dadaua:



Min cuëmëdaid:

Anquiadacsho iste

Bacuëbo ismequid chido chiaid:

Tiquidiuquin bacuëbo tabëc. Adec tabadquin dadauamequidën chuibanec bacuëbo abi anquiadaid. Ma bëdamboen tantianu queshun bacuëbo ismequidën naden chuibanec:

- ¿Midacquidtedi nuqui isedpo?
- ¿Tsuda chedo nuqui isedpo? ¿Adembidi tsuda chedon nuqui isedposh?
- ¿Atoda nuqui ismeposh?
- ¿Atoda nuqui tantiacmaid anquiadpo?

Aden tantiakin bacuëmpibo ismequidën menebanec. Bacuëmpibon ambi nabante utsi-utsien ma sauan nanu queshun. Adembidi ma annoshcanu queshun. Adecbidi abi ushë abentsëquën anquiadaid tantiec ma utsi-utsien chiec onquenu queshun.




Istanquin dadaua:





Tied naid



Uesnidën matses Pete Ismebenaid

Bacuëbo ismequid chido chiaid:

Bacuëmpibo dadauate shubu yacno bëdambuen tabëc.

Adoshon bacuëmpibo ènden uesnidën menabo Pete Ismepampid Chuiban.

Menabon Pete Isbenabicquin cute bitsi nidaid cabiunquin shëaidi pepac cadennec. Adec iquequi capuec nidquin tantiac uesnid uinsho tantiashun senuen chuuaqui aidi onquiampac cadennec.

Senuen bushcanten cute seshunac "ubu tsitëcanenda" quepac cadennec nidaid yacno ispambuec tsadec.

Adsho tantianec aucbidi bagedi choshon ani chuituidac, ambo nidshun mibishë matseuashun capac cadennec.

Adotamboc matsesash uesnid chopac cadennec. Adec chuash tsadsho "mui" shëaid menepac cedennec.

Aduac bushtequin istanquin nec "peten möyadtsequien mibi nec menabo" quepac cadennec uesnid.

Adbosh badiadash Pete Isec nid menabo mibi ismenu quianec, menabo buanec nidpac cadennec. Adec ènafen nidquin tied istuidpac cadennec.


Aid tiedën dadpenquio Pete Icpac cadennec. Adsho menabon mani bitsi chobi chesho istanquin naden chete nec quequin ismebampac cadennec. Tiedën icquid tedi. Adash pachid tanedapabi bëbëec chochopac cadennec. Ambobi matsesën tiedën icquid Pete Isbempac cadennec.

Tsiuec bëca icquidën sauan nibën T2.

Uesnid chuinedaid Chuiban ènëdacno utsiuatsëcquin.



Istanquin dadaua:



Min cuëmëdaid:

Utsi-utsiec nidaid iquec

Bacuëbo ismequid chido chiaid:

Tsidad tied nëbi yacno nidannenush. Nidaid sandonon baddempi buanec. Tsidad tedi-tedimbuec nidaid bëdambo icquid sandonosh. Aucbidi dadauate shubu yacno chochoshon mimbi bëbued nidaid beccho quequin, chuibannun:

- ¿Atondan nidaid utsi-utsiec isadosh?
- ¿Midapaden nidaid bëdambocquid nec quequin tantipec pete nitsinun?

Chuiban nidaid bëdambo icquid utsi-utsiec isadquid nëid nec quequin.

Nidaid chëshë bëdambo icquid nec piacbo sete, mani nitsinte, quequin.

Nidaid piumbic piabata bëdambo caniquid quequin.

Tiedën caniquidën sauan dadauaban, midacquid nidaidën caniquid neque.



Istanquin dadaua:



1

2

3

4

73

Min cuëmëdaid:

Tied nabededaid

Bacuëbo ismequid chido chiaid:

Bacuëmpibobëtan tied nëbi icquid, yacno nidanneshun istan.

- ¿Ada tantie mitsipaden tied napec?

Bacuëbon tantiec mitsipadombuen tied sëuënec, mitsipaden dëdec, mitsipaden tied abichobi nëdëncaic, mitsipaden tsinduec champicedon tantiec sicaidbëta pete menebanec quequin.

Dadauate shubuno choshon mitsipaden tied napec quiash mamënec bëchish samëdquid tsidéc. Adshun umanuc buanshun pichicaic.

Tsiuec bëca icquidën sauan nibën T3.

Isbanquin nacentanquin bitaccaban, tied naquid sauan icquin.



Istanquin dadaua:



Min cuëmëdaid:

Cute dëdquin tanec mamënnuna

Bacuëbo ismequid chido chiaid:

Onque bacuëbobëd mitsipaden papachedon cute dëdshun mëtepec pete nitsinnun quequin chiec.

Dadauate shubu umanucuësh 4ted tsidad 4ted cueste aniambocquid, amëpambocquid mamënte abentsëc pictsecquid quequin meneban, tsidardash tabadquidatedi.

Meneban bacuëmpibo cueste abitedi ma nidaidën tabëcnu mamëntempin sequin uebudmebanec mamënnun.

Ambentsëqui bacuëbon tanec uebudmequin.

Adec mamënec ënëdshun, nuacquid, aniambocquid, aniactsëcquid quequin utsiuquin sanec.


Icbocpadquiobidi icnuc sanquin.

Tsiuec bëca icquidën sauan nibën F1.

Nacnen 5ted nuacquidtapä bedanquin aniactsëcquid cuëscaquin. Adoshombic aniactsëcquid bedanquin nuacquidtapä cuëscaquin.



Istanquin dadaua:



Min cuëmëdaid:

Nidaid masibëta natsusuanuna cadi nitsinnun

Bacuëbo ismequid chido chiaid:

Bacuëbobëtan dadauate shubu dayun nibën nidaid masiuidquo icquid.

Chuiban ma natsusuanu nidaid. Adotanquin chui atoda nac bëdambo icpec quequin.

Dadauate shubuno choshon mene: nidaid, acte, masi, tempeda quequin tsidadshun nabannun.

Natsusua nidaidbëta acte, actebëta tempeda. Adoshon nidaid is midapadeque.

Chui:

- ¿Midapad isadosh nidaid?
- ¿Midapad iccosh actebëd?
- ¿Ada natsusuatanquin cuësh-cuëshac bëdambo icpec?

Annoshcate mitsipad isadpatsiash dëshoten acte icquid cacushac.



Istanquin dadaua:



Min cuëmëdaid:

Midapadoquin yuca nitsimpec

Bacuëbo ismequid chido chiaid:

Buan utsi utsiec pachid icquid dadauate shubuno. Adshun bacuëbo chui tsidad quequin ma tantiashun nanu.

Chui atodaquiash pachid icsactsëcquio isadpec utsibic bëdamboshë, utsibic nuambo quequin. Adoshon chui ma tsitënquin chuibannu:

- ¿Ada tantionda midapaduac pachid bëdapambo shucupe?
- ¿Tsundan chuipanëdash pachid nadoquin nitsinte nec quequin?


Pachid taui chiec onquequin tantiame aton papachedon chiacbimbuen, naduac bëdambo caniquid quequin.

Bacuëmpibo pachid nitsinайд tantiakin bëdambuen chuiban, ma tantiabannu.

Mimbi tantiac padembi pachid chuiquin dadaua.



Istanquin dadaua:



Min cuëmëdaid:

Tsistsis bëdambocquidbëdi icsambocquid chuiqid nec

Bacuëbo ismequid chido chiaid:

Bacuëbo chuiban nuqui icacno capuquin nuqui
yacno icquid tedi isbannuna, quequin.

Adshun bëchicqueshun abuc isquin tantia
atoda chedo cuëdeque.

Otacquo yacno nibënash bacuëbobëd
tiquidiuash tabad.

Adotanquin bëchicque ca.

Dadauate shubu yacno choshon ambi
tantiabued chuimeban.

Tsistsisbiecnuc nacnenaid isec onquequin
tantiame bëdambo icquid, isacsambo
icquidbëta chuiqid nec quequin.

CUËDËNTE

Ti ti tie,ti ti tie bëdambocquid icquid
chuiqid nec.


Chi cua chi cua icsambo icquid
chuiqid nec.

Tsiuec bëca icquidën sauan nibën
F2.

**Tsistsisbimbuecnuc min mapucudte nanenash cuëdëncueded bëdambocquidbëtabi
icsambo icquid chiec.**



Istanquin dadaua:



Min cuëmëdaid:

Piacbon cuidaid

Bacuëbo ismequid chido chiaid:

Dadauate shubu dayun shëcuë, shëcuë icnuc tiquidiuashun piacbo bacuëmpibo meneban. Adotanquin piacbo ansecaquin tamban. Adotanquin ada adec mamëntiadquio ique ca. Adoshon tedtsi piacbo ëshë ansecapec shëcuën quequin chui.

Mamënquin bedan: Bacuëbon tanec piacbo sec iccuededquin, cuesten sebansho 3 ted piacbo shëcuën ansecaic badedquio.

Tanec ënëdshun isbannuna piacbo umanuc paëdaid icnushe. Adembidi ada 3 tedquio shëcuën ansamëdeque isban.

Adotanquin shëcuë yacno penquio ansecaqid naden piacbon cuidec quequin bacuëbo tatiame.

Tsiuec bëca icquidën sauan nibën A4.

Piacbo ansamëdquid shëcuë annoshcaban. Adoshombic sauan dadautanquin annoshcaban, piacbo midacquid shëcuen ansecatequid neque.



Istanquin dadaua:



Min cuëmëdaid:

Anquiadacsho iste

Bacuëbo ismequid chido chiaid:

Tiquidiuac bacuëbo tabadec. Adec tabadquin dadauamequidën chuibanec bacuëbo abi anquiadaid. Ma bëdamboen tantianu queshun bacuëbo ismequidën naden chuibanec:

- ¿Midacquidtedi nuqui isedpo?
- ¿Tsuda chedo nuqui isedpo? ¿Adembidi tsuda chedon nuqui isedposh?
- ¿Atoda nuqui ismeposh?
- ¿Atoda nuqui tantiacmaid anquiadpo?

Aden tantiakin bacuëmpibo ismequidën menebanec. Bacuëmpibon ambi nabante utsi-utsien ma sauan nanu queshun. Adembidi ma annoshcanu queshun. Adecbidi abi ushë abentsëquën anquiadaid tantiec ma utsi-utsien chiec onquenu queshun.




Istanquin dadaua:





Tsidadash iccuededaid



Min cuëmëdaid:



Min cuëmëdaid:

Matses abitedimbo iccuededec cuishonquecuededec

Bacuëbo ismequid chido chiaid:

Matses tsidadash tabadquin naid dadauaid icquid ismequin naden chuiban:

- ¿Atoda tsidadshun matsesën napec?
- ¿Midapad abi dasiuidcuededaid iquec?
- ¿Mitsipad abi tansiadaid iquec?


- ¿Midacquid tsësiadapa ëndenquio icnëdaid nec?
- ¿Teda bacuëbo iccuededec?
- ¿Tedtsi champichedo iccudedacno iquec?

Tsiuec bëca icquidën sauan nibën 89.

Bëdambuen isquin sauan dadauaid icquid sëdëquënquio buanquin tasban.
Adoshon adquiobidicnuc utsi bëcan bitaccaban.



Istanquin dadaua:



Min cuëmëdaid:

Tsidadadash iccuededec nuqui dasiuidte nacnennuna

Bacuëbo ismequid chido chiaid:

Bacuëmpibobëd onqueshun tsidadash iccuededec dasiuidte nacnenaid icacno nidshun istan.

Adoshon shubu icbo chui ma bacuëmpibo chuibannu. Midapaden tsidadash iccuededec, dasiuidte nacnempec, matsesëna quequin.

Adash dadauate shubu yacno choshon sedquid mene di dachinaid icshobic aidì mene ma dasiuidtequid nanu.

Adoshombic tsidadmeshun meneban, ma tsidadshun abi bunacpadembi dasiuidtequid nabededu.


Adoshon bacuëmpibon naid isbanquimbi dasiuidquin tan ca. Ma tsidadash iccuededquin nanuc badedi dasiuidtequid icnuc tannu.

Tsiuec bëca icquidën sauan nibën A4.

Matsesëmpi nacnenaid pisin sintsaid dasiuin. Adoshon mauete masiuintanquin tansetsëc matsesëmpibimbuec isadnuc.



Istanquin dadaua:



Min cuëmëdaid:

Payute nacnenaid

Bacuëbo ismequid chido chiaid:

Bacuëmbon tita ubi mocodibëta di bidicaid bëshunta quequin chui. Adshumbic mocoli payutequid ancun.

Adoshombic tsidadmeban bacuëmpibouidquo, chidompibouidquo quenuc.

Adoshombic cute ëshëmpi meneban tedi-tedimbuen.

Adoshombic bëdambuen ancunme.

Bëyuc bedanquin tatau ëshë, aid tsibanquimbi mocoli quequin ënapen icnuc buanquin. Payute tionquio icnuc ënquin.

Adoshombi di bidicaid champichedo meneban ma abi mësiuidte ancumbannu. Aduac ancumbanec tatau ëshë, mocoli quequin bëdambo isadnuc.

Mësiuidte dënain.



Istanquin dadaua:



Min cuëmëdaid:

Midapadec piuten bëtiadtiad iccuededacno icnush

Bacuëbo ismequid chido chiaid:

Tsinac bacuëmpibouidquo champuidquo quequin.

Adoshon papedote nuacquid nënantan nan, aid dadauatebëtabëbi.

Bacuëmpi abentsëc papedoten nanshun antan, aton dada abichobi buenacquin.


Adoshombic tsidadshun aton ëshë chedo nacnen aton débiate, ècbid utsitedi.

Adembidi aton dada abichobi piuten tan-tanca tsidadash icnush piuten nocoshquete paden.

¿Midapadno tsidadash icacno icnush danoshquepec?

Adoshon bacuëbo bëisnanmequin tabëc. Aden tabëctanquin mibëd bëisnanec nidquid aton dada yacno mishbanquin aid nec quequin chuiban ca.

Bëtanteten sauan dadauashun mibi iccuededacnouësh piuten bëtiadte paden annoshca.





Min cuëmëdaid:

Matsesën nëish cuesec iccuededquin penun

Bacuëbo ismequid chido chiaid:

Bacuëmpibo chui naden:

- ¿Tsundan papa nëish cuesquidquio iccosh?
- ¿Atoda pambid bëosh tsidadash iccuededacnoshon pebedednun?
- ¿Midapaden bëosh?
- ¿Tsuda pambid nuëmbo icquid menepec?
- ¿Tedta ushquin nëish cuesquidën pambid cuespatsiash?
- ¿Tsundan pete codocapec?

Bacuëbobëd mamëncueded naden chiad nabanec: Beyuc nid daëden tincaic.

Adash bidiad shëcuë sadauc.

Adash udictsëc nid 5 teden tincaic dadauate shubun puduedacno cuësquec.

Adoshon papadote mene tsidadmashun.
Adoshombic dadauame podquied buanquin abi dadauate shubu yacno puduedec chobocpaden ma nabannu.

Podquied buanquin dadauaban nëish cuesquidën codocacno buantiadquio icac paden, midapadec nidquin buantiad iqueque.



Istanquin dadaua:



Min cuëmëdaid:

Chidobon sicaic iccuededacnoshon accuedednun

Bacuëbo ismequid chido chiaid:

Pachid buan dadauate shubu yacno.

Adoshon bacuëmpibo chui atoda napec pachidën tsidardash iccuededacnoshon nanun quequin:

- ¿Tedula pachid chicpatsiash sicaid natequid abitedi tsidatshun acte?
- ¿Tedula chidobonshon sicapatsiash?

Puduen bacuëmpibobëd umanuc.

Adoshon chui cacho daëd - cachodaëdquiec, casenanash tabad quequin.

Adoshon mibëtan daduaquidëmpibo dedobeded min cachonshon quequin.

Adoshon naden chui: ¿Tsuda èuëmbo iquec?

Adash pudued dadauate shubun.



Adoshombic iuë tante chicshun utsi-utsien tanme. Adoshon midacquidën iuë udipactsëc iquec, midacquidën iuë tsidiontsëc iquec quequin chui. Adoshon midapad iuë tante iccosh tambanac quequintsen chui.

Tsiuec bëca icquidën sauan nibën A5.

Iuë tanten chiactedquo pachid samban.



Istanquin dadaua:



Min cuëmëdaid:

Nuquin buchido chedo bëdambuen isnuna

Bacuëbo ismequid chido chiaid:

Bacuëmpibo chuiban aton buchido icquidobida neque.

Onquete bunquid icsho issun chuime. Aton cuëmëdaid, aton seta, aton buchidon naid chedo chiec.

- ¿Ada buchido nidpec, tsidadash matses iccuededacno?
- ¿Atoda pemepec?
- ¿Tsundan cuessimpec pambil chuca buchidon pete?
- ¿Midapadno pambil tëshshun buchido menepec ma penu queshun?
- ¿Atoda acpec buchidon tsidadacnoshon?

Tambisën sauambëta cuëbun sauan dadauid bacuëbo isme.

Adoshombic bacuëmpibo chui midapadquid aid nëish chedo neque.

Adoshombic chuime midapadno nuquin buchido menepec tsidadash tabadacnoshon ma penu queshun quequin.

Daëd taë icquid anoshca. Adoshombic taë 4 ted icquid dënainquin dadaua.



Istanquin dadaua:



Min cuëmëdaid:

Mamënnuna mamënten

Bacuëbo ismequid chido chiaid:

Bacuëbobëd mamënnun mamënte nauedte daëd tabëc. Adoshon cute ëshë sandoshon tabëc.

Adoshon bacuëmpibo, chui naden nata quequin.

Mamënte nauedquin nauedquinquien cute ëshë abentsëc bedbanquinn dayunuaban quequin chui.

Adoshon daëd icnuc dëccuëscamianshun mamënte nemequid nauedme. Daëden nameban.

Aden naquin nainmetanquin mibi nauedquin bedbambued cute ëshë sanambeded tedta mimbi nauedaque isnu quequin chuiquimbi nadentsen chui:

- ¿Tsundan abentsëqui nauedosh?
- ¿Tsunda dëd nauedosh?
- ¿Tsundan nauedambo iccosh?

Adoshon padidembuen cute ëshë sandotanquin padpiden bedbanec mamëncueded quequin chui.

Bacuëmpibon nauedbued tantiaquin ambi nauedboctedquo tambanquin tëshquënëmpi annoshcameban.



Istanquin dadaua:



Min cuëmëdaid:

Anquiadacsho iste

Bacuëbo ismequid chido chiaid:

Tiquidiuquin bacuëbo tabëc. Adec tabadquin dadauamequidën chuibanec bacuëbo abi anquiadaid. Ma bëdamboen tantianu queshun bacuëbo ismequidën naden chuibanec:

- ¿Midacquidtedi nuqui isedpo?
- ¿Tsuda chedo nuqui isedpo? ¿Adembidi tsuda chedon nuqui isedposh?
- ¿Atoda nuqui ismeposh?
- ¿Atoda nuqui tantiacmaid anquiadpo?

Aden tantiakin bacuëmpibo ismequidën menebanec. Bacuëmpibon ambi nabante utsi-utsien ma sauan nanu queshun. Adembidi ma annoshcanu queshun. Adecbidi abi ushë abentsëquën anquiadaid tantiec ma utsi-utsien chiec onquenu queshun.



Istanquin dadaua:





Chetequid cuësaid





Min cuëmëdaid:

Cana bata pequid nec

Bacuëbo ismequid chido chiaid:

Chetequid utsi-utsien buan dadauate shubu yacno.

Bacuëbo chuime chetequid cuëmëdaid, atoda uicchun aid chetequid bumpec.

Bata meneban bacuëmpibo abitedi champichedobëtabi dadauate shubu yacnoshon.

Chuiban:



- ¿Midapad chiadec?
- ¿Atoda quash cana aid bunquiopec?
- ¿Midapad bata sinash isadpec?

- ¿Tsuntsin min shubun icquidën bata cuësquin tantiapec?
- ¿Tsutsi bata mëtete bumpec bata sinacsho isash?
- ¿Dadpenquioda bata icpec, daëdpactsëcta icpec?

Sauan icquid midambo utsiecbidi iqueque istuidshun bëtiquidiu. Adembidi samëdadquidtsen.



Istanquin dadaua:



Min cuëmëdaid:

Podquied istuidnuna bata cuësec nidnun

Bacuëbo ismequid chido chiaid:

Dadpen pia nacnen madin shubu teteshun.

Adshumbic nidaidëmbi shubu dayun
podquiedëmpí nabán.

Bacuëmpíbo chui mitsipad podquied iquec min
shubu yacnoësh dadauate shubu yacno nidec.

Chuisho tantiash mamënte yacno nidanne.
Ashunquio chui ma bëdambuec nidannenu,
aton shubu yacno nidec, dadauate shubu
yacno chobocpadquiec ma nidannenu.

Bacuëmpíbo abitedi chomeshun chui, madin
shubu daëd tsadunshun némbo min shubu
tsadec, nembobic min dadauate shubu
quequin.

Adshun isme cuestempin
podquiedbimbuecnuc simban min shubu
yacnoshon bedanquin dadauate shubu yacno
cuëscaquin.

Dadauate shubu yacnoshon chuime,

- ¿Mitsipad podquied iccosh?
- ¿Ada utsiec isadosh podquied daëd
icquid quequin?

Chome ma abitedishun aton podquied aton
shubu yacnoësh nidacbimbuecnuc simbannu
aton dadauate shubu yacno buanquin.

Adoshon dectanme shubumpi aton nidaid
cuësquiacionbimbuecnuc nashun.

Adembidi dadauate shubu
cuësquiacionbimbuecnuc nashun mene madin
shubu piabimbuecnuc tetiaid bacuëmpíbo ma
aidën podquied aton dadauate shubu yacno
nidacbimbuecnuc nanu.


Bacuëmpíbo chui.

Podquied bata cuësec nidaid umboda iquec.
Min shubu yacnouësh dadauate shubu yacno
chued podquiedbëta isac.

**Matsesëmpí podquiedën buan, aton shubu yacno yacnombo nidquin piampin
mëdmebanquin.**



Istanquin dadaua:



Min cuëmëdaid:

Mëcuesten bata pec

Bacuëbo ismequid chido chiaid:

Nidaidën papedote nuacquid dectan.

Nidaid cacush acten “baddempin” cushtoquin.
Actebëta tempeda cabiun ma utsi-utsiec
isadnu.

Bacuëbo tsinac daëd icnuc.

Adshun chui, ma aton taë chucuuaquin
badde antincanu nidaidbëta acte cacushshun
nitsinaid.

Adshumbic mishmequin. Adshumbic
papedotentsen capumequin.

Aden capumeshun ambi tincaid ismequin.

Chuime:

- ¿Atotsi papedoten iccosh?
- ¿Mitsipad papedoten tincaid iccosh?
- ¿Atondan tincaid nec?
- ¿Mitsimbo tincaid istuidtiad?
- ¿Atotsi nuqui nape chetequid
dadpenquio icnuc?
- ¿Tsundan chepec aid?
- ¿Midapaden nëish aid nec quequin
tantiapec?






Chuiban mimbi nëishën taën tincaid isaidtedi.

Tsiuec bëca icquidën sauan nibën T4.

**Nëishën taëc ictsëcquido bëdambuen issun, midambo icquid neque abi yacnombo
bitaccaban.**



Istanquin dadaua:



Min cuëmëdaid:

Chetequid utsi-utsien cuësnuna

Bacuëbo ismequid chido chiaid:

Dadauate shubu yacno nëidted chete bëec:
mamuin, chështe, bata, caimito, moste.

Adshumbic mibi yacnoccuid cute utsitedi.

Chuiban bacuëbobëta champibo:

- ¿Midapad isadquid nec?
- ¿Midambo cuëstiad?
- Bacuëbo chochomequin chemequin
tanmebannun.












Chui ma tsinacnu utsiuauquin sanquin: Utsi-
utsieciad isadquid, abiuidquio tamëdquid, abi
tenquiocqquiduidquio.

Tsiuec bëca icquidën sauan nibën A5.

Bato daëdpactsëc bitacca, caimitobic dadpenquio, mamuin nibëdec.



Istanquin dadaua:



Min cuëmëdaid:

Bata cuëstequid tedi

Bacuëbo ismequid chido chiaid:

Bata cuësquin nate tedi buan dadauate shudu yacno: (chështe, nëshaid, chodompi quequin).

Chui:

- ¿Atoda nate nëido nec?
- ¿Atoda chedo itia bedec nidquin buampec?
- ¿Bacuëbo isme bata cuësquin nate tedi?

Adshun nacnen aidobëtambi chështe cuembo dectanquin, nëshaid, chodompi, quenuc.

Ma ubi udictsëc nate bunnuc atoda chodo tsibanec icpatsiash. ¿chështe, nëshaid, chodo?



Shubu dëchimbiec utsi-utsiectsëcquido bacuëbo meneban. Adoshombic chështe padquid nec quequin tiquidicquid bed, nëshaid padquidic podquënacniaid, chodo padquidic shubu dëchimbiecquid.

Utsi-utsiec isadquid bedmetanquin tsiban-tsibanquiec samëdnidnuc nameban.

Sauan dadautanquin midacquid udictsëc iqueque annoshca.



Istanquin dadaua:



Min cuëmëdaid:

Isanën nabannuna

Bacuëbo ismequid chido chiaid:

Onquecueded titachedobëd ma mibi isan musuc menenu.

Dadauate shubu nuntan tiquidiec tabadquin isan isban, mishquin, shëdquin midapad iqueque.

Bacuëmpibo chochomeshun tsidadme daëd icnuc.

Tsidadaid 1 isan uisaido, tsidadaid 2 isan shubo.

Mamëquin bedan utsi-utsien naic, naden caimbi:

Isan uisaido dayunnanec, isan shubobic mëdimnanec, isan uisaido tedbidi shëcquecuededec, isan shubo tedbidi pudundotanec.

Isan chodquiaido quenuc utsi yacno manniadcuededec.

Mamëncueded quequin bacuëbo chui: sedunte bëchudanten 4, 7, 10 ted cuëscaqquin icsambocquid.

Tsiuec bëca icquidën sauan nibën A5.

**Bitacca 5 ted isan uisaid 8 ted Isan pisenaibëta abi yacnombo istanquin.
Tëshquënën icquid icactedquo annoshcaban.**



Istanquin dadaua:



Min cuëmëdaid:



Itia uisacsho tantiaben chuuashun chenun

Bacuëbo ismequid chido chiaid:

Chomequin aton titä abetsëc itia uisacsho ismuen.

Dadauate shubu yacno titä chomeshun, bacuëbo chuiban midapaden isan uisac quequin tantipec.

Aton titä oncamequin chuime bacuëmpibo bunsho issun midapaden itia badedquio chuuapec quequin.

Bacuëbo isme tenda acte cacushpec, acte chupenquio icnuc. Adshun cainec ma chodquenu queshun.

Chui bacuëmpibo ada itia chequin tantieque.

- ¿Midapad itia icquid chete bune?
- ¿Ada itia sinuaquin tantie?



Nuqui chedo itia chuuakin ismec chobued nuquinta bëdambo iquec canuna, nuqui ismianec nidsho.

Tsiuec bëca icquidën sauan nibën T4.

Sinambo yacnouësh bedanec itia sinacno cuëscaquin dadaua. Adoshon mimbi tantiacpadembi dadaua.



Istanquin dadaua:



Min cuëmëdaid:

Itia bedshun bendeuanuna

Bacuëbo ismequid chido chiaid:

Buan itia uisaid icsactsëcquidëmpibëta dadauate shubu yacnoshon ismenun bacuëmpibobëtan champichedon ma isbedednu.

Chuiban itia dëdaid chuiquin utsi-utsiec itia icaid midacquid chetequid nec. Utsi piucquid bedquin menete nec. Chui utsiuakin bëdambo uisaid san icsactsëcquidic utsiuakin quequin.

Chuiban:

- ¿Ada itia utsiec isadquid isonda?

- ¿Atoda quiash utsi-utsiec isadpec?
- ¿Midapadquid itia piucquid bedquin menepec?
- ¿Mitsipaden itia piucquid bedquin menepec?
- ¿Tedtsi piucquid icpec?
- ¿Tedta piucquid nuqui bumpe itia bednun?

Itia menenanshun chebedednuna.

Champibëtan bacuëmpin itia bedquin piucquid menete tedquio un sod icquid annoshcaban.



Istanquin dadaua:



Min cuëmëdaid:

Anquiadacsho iste

Bacuëbo ismequid chido chiaid:

Tiquidiuquin bacuëbo tabëc. Adec tabadquin dadauamequidën chuibanec bacuëbo abi anquiadaid. Ma bëdamboen tantianu queshun bacuëbo ismequidën naden chuibanec:

- ¿Midacquidtedi nuqui isedpo?
- ¿Tsuda chedo nuqui isedpo? ¿Adembidi tsuda chedon nuqui isedposh?
- ¿Atoda nuqui ismeposh?
- ¿Atoda nuqui tantiacmaid anquiadpo?

Aden tantiakin bacuëmpibo ismequidën menebanec. Bacuëmpibon ambi nabante utsi-utsien ma sauan nanu queshun. Adembidi ma annoshcanu queshun. Adecbidi abi ushë abentsëquën anquiadaid tantiec ma utsi-utsien chiec onquenu queshun.



Istanquin dadaua:





Nëish bedaid






Bata shubuuaid



Dunu aton utsibëd nidquimbi
bata shubu uashun  sequin
cainnëdaid  istuidosh.

Aden istuidshun  Dunún
shubunaush.



Adoshon cainquin shonquid
dadpen siosh.

Nëish icnëdaid chiaid

Bacuëbo ismequid chido chiaid:

Bacuëmpibo chome chuibanquin tantiamenun.

Adshun chuiban bëdambuen, tiquidiuatsëcquin cuenadmetsëcquin tabëcshun ma tantiec tabadnu.

Adshun bëdiactsëc bedantsëcquin chui, tambanquiotsëcquin ma bacuëmpibon bunquioquin tantianu.

Dunu aton papa, aton buchi chedobëd shonquid senu quec nidanniosh.

Adec nidquin bata shubuuashun shonquid sequin cainnëdaid shubu shënimpi istuidosh.

Aden istuidshun bata natiacquin shonquidën chiacsho issun chucauaquin shubu naush Dunun aton papa chedobëtan.

Adoshon cainquin shonquid dadpen siosh.

Aden sianec cuishonquequiec chosh aton shubuno.



Dunun aton tita chiosh ambi shonquid senun shubu uaquin tatiabembued midacquido matses shonquid shubuuacno iccoshe chuiban shonquid sebued chedobi chiec onquecueded.

Adshun ënden chuinënaid isbannuna quequin chui. Adoshon ambi natequid dadauate meneban.

Ënden chuibanaid isquin chuibanshun aidën chuibanaidën icquid matses chedo chuibanaidën cuëmëdaid dadaua.



Istanquin dadaua:



Min cuëmëdaid:

Podo choquid matsesën cuesaid

Bacuëbo ismequid chido chiaid:

Bacuëmpibo chui ma aton papan o aton buchidon podo choquid cuesaidën sauan dadauanu.

Adoshombic nidaidën dectan mimbi sauan dadauid.


Adoshon tsinac abiuidquo isadquid.


Adshun chuiban midacquidquo podo choquid cuesaidquo icpec.

- ¿Midacquid podo choquid daëdquiobi cuesaid icpec?

Adoshon ambi nabantequid dadauate meneban. Ambi tantienquo icaid icsho nashumban.

Bëdambuen sauan istanquin utsiecbidicquid istuitanquin bëtiquidiua.





Min cuëmëdaid:

Mitsimbo capupec nëish abitedi aton pete istuidnuec

Bacuëbo ismequid chido chiaid:

Bacuëmpibo umanuc buan mamëncuedednun.

Bacuëmpibo daëd icnuc tsinac tsidadaid cuëmëdec “nëishamë” utsi tsidadaidic “tambis” quequin.

Madin shubu tsadun daëd. Madin shubun nëishamën sauan dadauaid annan, utsimbi tambisën sauan dadauaid.

Adshun itia abi maisi samban. Adotanquin mamënquin bedanme 1, 2, 3 puduan!!


Aduac mënchiquidenquo cadinnanacchobi niquanquin ambi itia uanno-uanoen sambued bëyucqidën bedbanshun aton madin shubu tsadunaidën sandobanec. Adshun tambanec tsidadaid nëishamën tedta bedac, ma tambisën quequin.

Adoshon chuiban naden:

- ¿Midambo icquido nëish nepec?
- ¿Atotsi aton pete icpec?
- ¿Atoda nuqui istuidpo nidaidën samëdquid itia pequid?


Adec mamënec änëdshun bacuëmpibo buan mëpamëdmenun, choshon ambi nacbocpadquid dadaubannun.

Nëishamën tincaidbëta tambisën tincaid sauan dadaua abi itia pec nidaid.




*Cun taë iquec
Cun podo iquec
cun iquec*

¿Tsutsibi ne?



*Badiadën usquid
nebi inchëshën
capuquid nebi.*

¿Tsutsibi ne?



Atoda nëish neque chui

Bacuëbo ismequid chido chiaid:

Ompoquin chiaid daëd dadautanquin pisadan dectan.

Adoshombic nëishamën sauambëta tambisën sauan nashun pisadan dectan. Dectanshun paped utsin bëpuc bacuëbon bagedi isnushe.

Adoshon bacuëmpibobëtan bëdiactsëc isban.

“Cun taë daëd iquec,
cun mëdante daëd iquec,
cun mapi abentsëc iquec,
cun cacho chëshëmbo iquec”.

¿Atodaibi ne?

Badiadën ushebi, inchëshën pembi,
itia bunquidquo nebi..

¿Tsudaibi ne?

Padpiden anisquin chuitanquin bacuëmpibo naden chui:

- ¿Atoda nëish nec?
- ¿Tsundan ompoquin chiaid chuipec?

Ambi nabantequid dauate meneban. Adoshon abëtambi naban.

Mimbi dadauaid ompoquin chiaid isbanquin chuiban. Adoshon ompoquin chiaid yachombo nëishën sauan bitaccaban.



Istanquin dadaua:



Min cuëmëdaid:

Uicchunën shubu bëdambuen isnuna

Bacuëbo ismequid chido chiaid:

Bacuëmpibobëd umanuc puduenshun mimbì cuëdsho tantiaid tedi chuiban quequin chui.

Nibënquin cuicchunën shubu istuidtanquin naden chuiban:

- ¿Tsundan aid shubu napash?
- ¿Atoda uicchunën ani nec?
- ¿Atoda nuqui istuidpo uicchunën shubu équëduc?
- ¿Atoda quepatsiash nuqui mishac?
- ¿Midapaden aido dayunuatiad?

Aucbidi dadauate shubu yacno chuash uicchunën shubun mamënnuna.



Bacuëmpibo mëdinnanme . Adoshon abëd icquid utsimpibo mëdinnanaid nënantan puduedme uicchunëmpি aton shubun puduedacbimbuec.

Ambi nabantequid dadauate menebanshun abëtambi naban.


Sauan dadaua tedtsi oshpodcon tishoshe, ma 5 ted uicchunëmpি aton shubun icnuc daëd icsapaboc.




Istanquin dadaua:





1




2




3




4



5



6



Min cuëmëdaid:



142



Min cuëmëdaid:

Papedën uicchunëmpí nacnennuna

Bacuëbo ismequid chido chiaid:


Bacuëmpibo ambi uicchun isnëdaid chuiban.




Adoshon min dadauatedapan icquid abentsëc
bëca umucquid chedo icquid mibi bunaidi
tështaanquin chuibanac paden naban ca.

1. Abentsëc tëshquëmbimbuecnuc naquin.
2. Bëtashquin podquënacquin.
3. Uicchunën podobimbuecnuc
podquënactsëcquin.
4. Uicchunën ëshëbëta dëbiate natsëcquin.

Ambi nabantequid paped meneshun uicchun
naquin nashumban cutempi tabadnuc sauan
dadauacno bitaccanun.

Mimbi nabued podo choquido cute tabadnuc sauan dadauaid yacno bitacca.





Min cuëmëdaid:

Opan nëish bedaid

Bacuëbo ismequid chido chiaid:

Opan sauan icquid bacuëbo isme.

Adoshon bacuëmpibo chui midapaden opan nëish bedquin nuqui nashumpec quequin.

Adoshombic opa dëchinquin tantiaquid yacno nidshun tantiabeded. Midapaden opa nëish bedquidquio icmenuen napec quequin. Ma ënenquio icquin nedquidquio icnu queshun atoda napec quequin chedo chuiquin.

Adembidi nuqui chiec:



- ¿Atoda nëish opan nedpec?

Adoshon ambi nabantequid dadauate mene.

Abimbo yacno semequin simban midacquid nëish opan nedaid neque.



Istanquin dadaua:



Min cuëmëdaid:

Badiadën nëish bedaidbëd inchëshën nëish bedaid

Bacuëbo ismequid chido chiaid:

Nëishëmpibo utsi-utsien nacnenaid nidaidën sambud: shëcten, senad, shonquid, bëchun, omon, dide, tambisëmpi chedo.

Adoshon bacuëmpibo, chui nëish badiadën capuquidbëta inchëshën sanac quequin.

Umanuc puduenash bacuëbobëd mamën.

Aduac bacuëbon ubi nëid nëish icté bunebi quequin chuibanec.

Adoshombic ushëtsen ismequin chuiban badiadën icquidta nec, inchëshën icquidta nec, quequin chuimeban.

Adoshon nëish inchëshën icquid istuidmeban.

Adoshombic mamënmequin ènshun abitedi puded-puduedme dadauate shubu èquëduc.

Adoshon chuiban atoda quiash nëishamë inchëshën capuequi, badiadën ushpec. Adecbidi shëctentsen badiadën capuec, inchëshën ushec quec onquequin chuiban.

Ambi nabantequid dadauate meneban.

Tsiuec bëca icquidën sauan nibën T5.

Bitaccaban midacquid nëish badiadën neque capuqid, midacquid inchëshën capuqid neque abimbo yacno istanquin.

Istanquin dadaua:





Min cuëmëdaid:

Anquiadacsho iste

Bacuëbo ismequid chido chiaid:

Tiquidiuquin bacuëbo tabëc. Adec tabadquin dadauamequidën chuibanec bacuëbo abi anquiadaid. Ma bëdamboen tantianu queshun bacuëbo ismequidën naden chuibanec:

- ¿Midacquidtedi nuqui isedpo?
- ¿Tsuda chedo nuqui isedpo? ¿Adembidi tsuda chedon nuqui isedposh?
- ¿Atoda nuqui ismeposh?
- ¿Atoda nuqui tantiacmaid anquiadpo?

Aden tantiakin bacuëmpibo ismequidën menebanec. Bacuëmpibon ambi nabante utsi-utsien ma sauan nanu queshun. Adembidi ma annoshcanu queshun. Adecbidi abi ushë abentsëquën anquiadaid tantiec ma utsi-utsien chiec onquenu queshun.




Istanquin dadaua:





**¿Midapaden neste bedquin
tantiabentiad?**



Min cuëmëdaid:

Midambo neste icpec, nuqui bëdanmequid

Bacuëbo ismequid chido chiaid:

Nesten sauan dadauame uanno icquid:
(Chishpan dauë, usudquid dauë, pucu dauë,
dannësh dauë, quequin).

Bacuëmpibo chui:

- ¿Midacquid bacuëmpi min dayun iquec?

Adoshon bacuëmpi mëdinshun, aton
cuëmëdquid chui.

Midacquid champi o dadampi tsadte utsin
iquec.

- ¿Ada mëdintsia?
- ¿Mibibi nitoash nid aid icacno?
- Adshun naden chui: ¿Midambo nëbi
papa icpec?
- ¿Ma tita?
- Mibi ècbedsho tantiatanquin naden chui:
¿Uannomboda icpec o nëbictse qui?

Neste uanno icquidën sauan naid ismequin
naden chui:

- ¿Midambo icquid nëid neste chedo
nepec?
- ¿Atoda bëdanmepec aidën?
- ¿Aden bëdanmequin tantiaquid uannoda
icpec o dadauate shubu dayuntsëqui?
- ¿Tionda neste bedquin tantiaquid
nidpec?

Aden chuibanaid ècbedbansho tantiatanquin
ambi nabantequid dadauate menebanshun
abëtambi nashumban.

**Bacuëmpi neste ënapen yacno nidmequin nashuntanquin, aidën dayun shubu tsadnuc
sauan dadaua.**



Istanquin dadaua:



Min cuëmëdaid:

Cute bëpin chiuë dauën nuqui bëdanmec

Bacuëbo ismequid chido chiaid:

Bacuëmpibo chui ënden chuinëdaid daëdpactsëc.

Timoteobëd Dina Iquitos yacno icquid nec. Aido mamënten mamënte bunquidombo nec.

Adecbidi Benito Uasabëd actiamë yacno icquido nec. Aido adecbidi mamënte bunquidombo nec. Adecbidi mamënte bunquidquio nec.

Adquito iquec mamënten mamënec uebudec dambiucudosh.

Adacsho aton titan Benito chotaquën chiuë dauën ambiunshunosh.


Aden aidën nanubi Uasan titan chiuë dauë cute bëpinën ambiunosh.

Adotanquin bacuëmpibo chuiban naden:

- ¿Tsuda ënden chiadën icacpadec dambiucudondash?
- ¿Atoda quiash dambiucudaidënuësh intac chopec?
- ¿Midapaden aid bëdanmepec?
- ¿Tedta ushash dambiucudaid cute bëpin ambiunac bëdampec?

Bacuëmpibo chotaquën dauë isme, aid nibëdsho dadauaten icquidi isme.

Bëdambuen sauan istanquin annoshca. Adoshon madadauaid tsadun, sauan yacnombo.



Istanquin dadaua:



Dauë choquido

Dadampibobëd chidompibo dadauaquido nebi, mibi cun dadauate shubu yacno chomenu, ma ubi chedo bëdambuen mucuquequin ismebannu.

Nëid ushën _____ ushë _____ icnuc.

Min cuëmëdaid:

Nuquin shëta dayunuuanuna

Bacuëbo ismequid chido chiaid:

Bacuëmpibobëd onquenuna dauë choqid chomenun dadauaic.

Ma nuqui bëdambuec mucuquiaid ismequin chuibannu. Adoshon naden chui:

- ¿Midapadec dauëchoqid chido o dada cuëmëdec?

Aden bacuëmpibon chuinubi mimbi dada uaic papedoten o pisadan.

Dadauaid bëdiactsëc chuiquin isban.

Adshun mimbitsen isquin chuiban quequin bacuëmpibo chui.


Bacuëmpibo chui utsiembidi mitsipaden nuquin shëta dayunuac bëdambo icpec, quequin.

Adshun chuiban nimëduc shëcpis dauë iquec, aidën nuquin shëta bëdambo icmec ushumbo icnuc quequin.

Dauë choquidën cuëmëdaidbëta aid ushën mibi chomenu caid badiad dadaua.



Istanquin dadaua:



Min cuëmëdaid:

Mitsipaden dëunquin bëdanmetiad

Bacuëbo ismequid chido chiaid:

Bacuëmpibo tantiame ¿Mitsipad ique toshopec?

- ¿Mitsipaden titan mibi bëdanmepec?
- ¿Atoda nesten tosho bëdampec?
- ¿Atoda nesten nënaid utsi bëdampec?

Aden chiac bacuëmpibon chuibansho pisadan dadaubanshun, tosho taëshun nabannun dadaubannuna.

Tantiaqidën neste bedaid shocoshëmpin bëdambuen tsuctoquin. Adotanquin bëdiambo chuuatanquin manesmequin, shicmishquin. Daëden o udictsëqui nesmequin.

Adotanquin bacuëbo nate bunquidën tanec cho ca. Titan nënquid icsho neste nacnenshun nesmiacbimbuen tambeded.

Adotanquin bacuëmpibo chui:

- ¿Atoda neste nëbi nuqui anquiadpo?
- ¿Min matsesën atotsi neste bedpec nënaid icsho?

Ambi dadauatequid menebantanquin aden na quequin chui.

Neste podo istanquin 10 ted yadmequin sauan dadauaban.



Istanquin dadaua:



Min cuëmëdaid:

Neste bëdanmianquidën nesnuna

Bacuëbo ismequid chido chiaid:

Bacuëmpibo tsidadme daëd-daëdquiec icnuc.

Adshun papedote meneban abi dadauatebëtabi.

Adshun chuiban ma abi bacuëmpi iquec icnëdaid dadauanu.

Aden nacsho papedote bedshun dectan ma abitedishun isnu.

Adoshon chui:

- ¿Atoda utsi tantiadquiec iquec mibi bacuëmpi icnëdaid?
- ¿Atoda pionda?
- ¿Midapaden nesmiondash?
- ¿Atoda mibi caundash?

Bacuëmpibobëd pisid daëdcaidën tabab budshun ënden chuinëdaid chuiban.

Ema estidon yacnocquid champi nec. Aid tishac chuca ictsecnuc aton buchidobëd aton chi nimëduc nidanniondash, machinte chiquec.



Aden machinte chictanec choshon champi tishac chucactsëcshobi machinëdaid nënénquio iquec.

Nëbi aton seta 8 ted yanac. Dadauaquidquio iquec bëdamboshë nëbi Ema iquec.

Emabëta isaquën sauan icquid annoshca. Adoshon abi ënden icnëdaido chuiquin mimbi tantiacpadembi dadauban.



Istanquin dadaua:



Min cuëmëdaid:

Bacuëmpí icshobi bedanquin nuqui nesmec

Bacuëbo ismequid chido chiaid:

Bacuëmpibo chuiquin tantiameban. Mibi chedo tishac chucampibo ictsec natia shubiondac, acquiec camidbudnenuc min nicchun piumbo iquec tsadcuenondash.

Adsho isash papa änden isucunash niud dauë bedec nidondash. Aden bedtanacsho titan bëdambuen tsuctotsëcshun chuuatannequin mibi nicmishac bëdanondac.


Bacuëmpibo chui:

- ¿Midapaden bëdanmepec pucu nëncuenacsho, toshoquesho, utsibi nënsho? ¿Midambo buampec?
- ¿Tsutsi chuipec mibi nëncuenan?



- ¿Atoda neste isonda?
- ¿Tsundan nuqui bëdanmepec nëncuenacsho?

Ambi nabantequid dadauate meneban. Adshun ambi tantienquo icaid nashun.

Abimbo yacno semequin simban atodactequid neste neque.



Istanquin dadaua:



Min cuëmëdaid:

Mitsipaden matsesën nesmepac

Bacuëbo ismequid chido chiaid:

Umanuc puduenshun neste tabadacno istan.
Adoshon chui ada ambi isaid neste iqueque.
Aden isbanquimbi matsesën neste aden
tantiabempac cadennec quequin chuiban.

Ënden matses chidobëdi dada unësbudnepac
cadennec, nënaidën. Shëta nënec, cuidaidën,
utsi nënaid chedombi. Ad icnubic. Taëmiuësh
aton chidobëd choquidën chuipac cadennec.

- ¿Atoda quiash matses unësbudnec,
aton neste dadpen icnubi nënaid
bëdanquido?

Adotanquin nimëduc neste ismequin buampac
cadennec. Aden neste bedshun nesten
nesmequin ismepac cadennec.

Dadauate shubu yacno choshon chuiban,
midapad ënden chiaid tantiadec quequin.
Adoshon chuibanme ada nesten nënqid
bëdanmesho isnëdaque.

**Neste tantiaquidën natequid yacnobëta dauë choquidën natequid istanquin abimbo
yacno semequin simban.**



Istanquin dadaua:



Min cuëmëdaid:

Bëdambo yacno neste nannuna

Bacuëbo ismequid chido chiaid:

Bëdambuen tëshquën nacnenambobi nidanneme.

Adshun padpidec pudued-puduedsho naden chui:

- ¿Atoda quaid nämbo nec?
- ¿Atoda quash icsapamboshë iquec?

Bacuëbon ècbedbansho tantiatanquin, cuëdënte cuëdënme. Ma abitedishun dadauate shubu nuntan bëdambuen nacnenannenu, abi yacnobi sambanquin.

Abitedi nacnenacsho chui:

- ¿Mitsipad iccuedede?
- ¿Mitsipad isadec näbi?

Aduac chuibasho tantiashun mibi bëdamboshë iquec tëshquën nacnenec quequin chui.

Adshun ada tsësio neste tantiquidën shubu isonda, midapad aton neste tabadondash quequin chuiban.

- ¿Midapad aton cute podo neste iccosh?
- ¿Midashunquo aid dayunuash quequin chuime?

Adshun ambi nabantequid dadauate meneshun, tsësiodapa neste tantiaquid aton neste bëdambuen sanquin nacnenshun quequin chui.

Tsiuec bëca icquidën sauan nibën A6.

Neste tantiaquid tsësio aton neste bëdambuen dectanquin nashun. Adoshon midacquidën pucu bëdantsiashe istanquin bëtiquidiua.



Istanquin dadaua:



Min cuëmëdaid:

Anquiadacsho iste

Bacuëbo ismequid chido chiaid:

Tiquidiuquin bacuëbo tabëc. Adec tabadquin dadauamequidën chuibanec bacuëbo abi anquiadaid. Ma bëdamboen tantianu queshun bacuëbo ismequidën naden chuibanec:

- ¿Midacquidtedi nuqui isedpo?
- ¿Tsuda chedo nuqui isedpo? ¿Adembidi tsuda chedon nuqui isedposh?
- ¿Atoda nuqui ismeposh?
- ¿Atoda nuqui tantiacmaid anquiadpo?

Aden tantiakin bacuëmpibo ismequidën menebanec. Bacuëmpibon ambi nabante utsi-utsien ma sauan nanu queshun. Adembidi ma annoshcanu queshun. Adecbidi abi ushë abentsëquën anquiadaid tantiec ma utsi-utsien chieconquenu queshun.



Istanquin dadaua:

Aton dadauaten dadauame, abi bëdambuec tabadaid tantiaquin
“Bëdambuec iccuededobi”



172





Bedanembi badiad chuiquin



Dunes

Madtes

Miedcodes

Uebes

Biednes

--	--	--	--	--

**Bitacca mëdantempi abentsëc dadauatsaid aid badiadën mimbi mibëtan
dadauaquidëmpibo, mibi ismequidbëta mëdinnëdacpaden.
Adembidi bitaccaban matses min dadauate shubu yacno mibi isec chosho mimbi
mëdinnëdacpaden.**



Istanquin dadaua:



Bëdambuen ubëtan dadauaquidëmpibo isembi

Dunes

Madtes

Miedcodes

Uebes

Biednes

--	--	--	--	--

Min cuëmëdaid:

Annoshca nëid quënëuaid min annoshcate utsi utsiequidën, badiadquidën-badiadquidënquien bëdambuen mimbi mibëtan dadauaquidëmpibo isaid.



Istanquin dadaua:



Nianembi dayunuaid bëdambuen nacnenshun

Dunes

Madtes

Miedcodes


Uebes

Biednes

--	--	--	--	--

Min cuëmëdaid:

Badiadën bescaquin ushë dadauabanaid bitacca nashunac paden. Dadauate shubu uquëduc mimbi nashunac paden.



Istanquin dadaua:



Menenanebi ubëd icquidëmpibobëd



Dunes

Madtes

Miedcodes

Uebes

Biednes

--	--	--	--	--

Min cuëmëdaid:

Sauan dadaua bëtantete abentsëc mamënquiecnuc, mibi mamëntequidbëd utsitedi nacnenaid naic iccuededbocpadquiocnoc.



Istanquin dadaua:



Pembi cun pete abitedi

Dunes

Madtes

Miedcodes

Uebes

Biednes

--	--	--	--	--

Min cuëmëdaid:

**Bitacca chiun abentsëc bëdamboshë isadnuc, nashun badiaquidën-badiadquidënquien
mimbi pebued.**



Istanquin dadaua:

A rectangular text box with a brown border. Inside, there are three horizontal blue dashed lines spaced evenly apart, intended for handwriting practice.



Adquid nebi cun
utsibobëd cun shubu
yacnnocquidobëdtsen.



Nëid ubi nec



Cun cuëmëdaid nec

Nadquid icsho cuënhaid

Cun seta iquebi.

Ubi yachno nadec cuëmëdec

Min cuëmëdaid:

Bacuëbon papa ani chedobëta chiaid.

Umbi buanaid cuntabëd cumpa chedo.


Dadauaid min champibëtan o min madobëtan isec onque.

✓ ¿Midacquid bacuëmpibimbuec isadec?

Min madobëta min champi chuiban abi tisnëdacno, midambo icquid neque. Tsuda chedo aid tishnëdacno icnëdashe chuibanquin.

Midapaden tantiondash aid cuënnu quequin. Adoshon chuiban adquid icsho mibi aden cuënondambi quequin.

Cuëmëdaid chuitequid icsho naden chiaid mibi cuëmëdaid nec, buchidobi cuënnu queshun mibi cuënondambi quequin chedo chuiban.



Min cuëmëdaid:

Bacuëbon papa ani chedobëta chiaid.

Umbi buanaid cuntabëd cumpa chedo.

Onque min champi, min bacuëmpi chedobëd DNI icac bëdambo
icaid chiec.

Aidi cuëmëdaid dadauaid abitedishun istequid nec quequin chui.

Abitedimbo Perú yacno tabadquido icaid nec. Bacuëbona bës-
hpiu-bëshpiucquid nec.

Aton cuëmëdaid abitedi dadauaid nec.

Abi tishaid dadauaid. Abi bedcaid iquec aid nec quequin iste-
quid. Aidëmbi abi dadauaic puduedte bëdambo icmec,

Abi dauë shubu yacnoshon nashuntetsen iquec. Pete nashunaid
ictequid, dayunuaid ictë, bëdambo

Dadaua min DNI numedo tëshquënëmpi ëquëduc.



Cun pete ubi bunaidquio



Min cuëmëdaid:

Bacuëbon papa ani chedobëta chiaid.

Umbi buanaid cuntabëd cumpa chedo.

Min mado, min champi quec tabadquin sauan isec onquequin tantiameban.

Min pete mibi bunaidquio. Chui:


✓ ¿Midacquid pete mibi bunquiaid nec?

Chui midapaden codocapec, quequin.

Adotanquin min bacuëmpi nashun sauan bitaccaquin, adembidi sauan nashun annoshcame aton pete abi bunaidquio.



Ubi mamënte bunaidquo nec



Min cuëmëdaid:

Bacuëbon papa ani chedobëta chiaid.

Umbi buanaid cuntabëd cumpa chedo.

Dadauaid min champibëtan o min madobëtan isec onque.


Abi mamënte bunaidquo chiec. Adshun naden chui:

- ✓ ¿Mitsipadquid mamënten mamënte bune?
- ✓ ¿Mitsipad ique mibi mamënte bunaidënquo mamënec?

Min bacuëmpi chedobëd daëdpactsëc mamën ma bëdambo icnu.

Adoshon mibi bacuë iquec mamënte bunquionëdaid chui. Aden chuitanquin min bacuëmpi o min champi bitaccabanquin nashun. Abi mamënte bunaidën sauan dadauaid annoshcabanquin chedo.

Cunta nadquid nec



Cuntan Pete abi bunaudquio.

Tita tishte ushëc icnuc menequin
cuishoncamete.

Cuntan cuëmëdquid

Cunta icacno

Cunta icacno

Min cuëmëdaid:

Cuntan seta

Bacuëbon papa ani chedobëta chiaid.

Umbi buanaid cuntabëd cumpa chedo.

Dadauaid min champibëtan o min madobëtan isec onque.


Onque mimbi pete bunaidquo chiec. Adecbidi aid codocanun nate chiec.

Adoshon naden chui atodambo bëdaidquo meniadte buntsia mibi tishaid ushë icnuc.

Adotanquin min bacuëmpi o min champi sauanëmpi bitaccabannuna quequin chui.

Sauan dadauaquin, abi pete bunaidquo annoshcaquin, abi cuishocamete chedo naban.

Cumpa nadquid nec



Cumpan cuëmëdaid

Cumpa icacno

Cumpan naid ubi bunaid

Mimicauvëõõdeldid:

Cumpan Pete bunaidquo

*Papa tishaid ushë icnuc menequin
cuishoncamete.*

Bacuëbon papa ani chedobëta chiaid.

Umbi buanaid cuntabëd cumpa chedo.


Dadauaid min champibëtan o min madobëtan isec onque.

Adoshon naden chui atodambo bëdaidquo meniadte buntsia mibi tishaid tantiaquin.

Adotanquin name min bacuëmpi o min champi sauänëmpi bitaccabannuna quequin chui.

Sauan dadauaquin, abi pete bunaidquo annoshcaquin, abi cuishocamete chedo naban.

Cun chu chedobëd cun buchiado



Cun chu chedo

Cun buchibo

Min cuëmëdaid:

Bacuëbon papa ani chedobëta chiaid.

Umbi buanaid cuntabëd cumpa chedo.

Dadauaid min champibëtan o min madobëtan isec onque.

Chuchun sauánbëta buchina na quequin chui. Adshumbic aton cuëmëdaid abi bunacpadembi dadauame sinsinacno tsuec.

Nëidën nesmiondashi



Bacuëmpí ischo nëidën nesmiondashi

Nadshun nesmiondashi

Aidën

Min cuëmëdaid:

Bacuëbon papa ani chedobëta chiaid.

Umbi buanaid cuntabëd cumpa chedo.

Dadauid min champibëtan o min madobëtan isec onque.



Min madobëta, min champi chui midapaden tantiaquin nesten nesmiashe.

Adembidi a toda nesten nesmiashe.

Naimëdacno sauan dadaua. Adoshon annoshca neste.



**Ubi yacno icquid
nëish tedi**





Poshto



Tsistsis




Piush



Tsaues




Tambis



Nëishamë




Cana




Min cuëmëdaid:

210



Min cuëmëdaid:

212



Min cuëmëdaid:

Onquec chuinannuna





Min cuëmëdaid:



Dadauamequid chido onquiaiad chuiquido onquiaidtsen

Mimbi tantiac paden chui tedefono adquid nec quequin.


Bacuëbo ismequid chidobëta chuiquido chiaid.

Matses ambo ista caid onquenu quequin chui. Ma tedefono besecainquiocquin bëdambuen bacuëbon dayunuau, cudasnanenquiocquin.

Nadec onquete nec quequin bacuëbo isme.

Mibi icacnocquid numedo chuime, adoshombic matses icacno nëbictsecqui yacnocquid numedotsen chuimeua.

Mibi yacnocquid onquete “tedefono” numedo istuid. Numedo chedo annoshcaban. Adoshon sinaidën numedo dadaua.





Min cuëmëdaid:

Mibi ismequidën “sedudad numedo” istuid, chuiquidëna o min papana. Adshun numedo mamishte yacnocquid annoshca.



Istanquin dadaua:

















































































Pág. 123
























































F5



F6





Bacuëbo ismequid chiaid

Umbi tantiado bacuëbo ismequido

Dadauaid bëcadobanquin iste mibi chedo ismenu, aidëmbi ënden chiaid chuibanquin dadauaid iquec, bacuëbon nainquin dadaubante, sauanëmpি icquid chicbanquin bitacabanten nate, dadauate cachoc ënëdacno icquid isbanquin.

Nëid nabanaid ënden chiaid, ma bëdambuec mamënquin tiboquequimbi nanu caid nec. Nuqui yacno icquido chiaidi nec. Ma bacuëbo mibëtambi nabanec, sauanëmpি icquid isbanquin ënden chiadi nabanec anquiadnu caid nec. Nëid ënden chiaid umbi nanu queshun ambibi naic anquiadec.

Bacuëbo dayacquio icme, ma ambi tantiacpadequi mamënec anquiadnu. Bacuëbon nabante sebadëmbi san, ma ambi bunaldi bednu. Adshun ma ambibi aton mapinshumbi nabanec anquiadnu.

Aton papa chedobi min bacuëbon nacno iseccho cac bëdambo iquec.

Mimbi bëdambuen nauc ca, ambi nabanaid isquin. Adshun ambi tantienquo icaid cueuacquin nashun.

1



Tiquidiuaitde

2



3



Cuestempite nacnennun

Tiquidiuaid bidincaic maniën

Matsesën tiquidiuadid



Mamënquin bedan...

- 1 Chui bacuëmpibo ma paped tiquidiuaid nibënnu nachnembanec mamënnuu.
- 2 Mamën 5 o 6 mibëtn dadauaquidobëd.
- 3 Tiquidiuaid bidincaic tsibannan-tsibannanquiec bacuëmpi mamëne.
- 4 Padpidembuen bidincame pinchucchiten tiquidiuaid mëdacombo.
- 5 Pinchucchite nibëdacno paëdnuc bacuëmpi mamënenquip iuec.
- 6 Iuec mamënac bëdambo iuec.

El Acuerdo Nacional

El 22 de julio de 2002, los representantes de las organizaciones políticas, religiosas, del Gobierno y de la sociedad civil firmaron el compromiso de trabajar, todos, para conseguir el bienestar y desarrollo del país. Este compromiso es el Acuerdo Nacional.

El Acuerdo persigue cuatro objetivos fundamentales. Para alcanzarlos, todos los peruanos de buena voluntad tenemos, desde el lugar que ocupemos o el rol que desempeñemos, el deber y la responsabilidad de decidir, ejecutar, vigilar o defender los compromisos asumidos. Estos son tan importantes que serán respetados como políticas permanentes para el futuro.

Por esta razón, como niños, niñas, adolescentes o adultos, ya sea como estudiantes o trabajadores, debemos promover y fortalecer acciones que garanticen el cumplimiento de esos cuatro objetivos que son los siguientes:

I. Democracia y Estado de Derecho

La justicia, la paz y el desarrollo que necesitamos los peruanos sólo se pueden dar si conseguimos una verdadera democracia. El compromiso del Acuerdo Nacional es garantizar una sociedad en la que los derechos son respetados y los ciudadanos viven seguros y expresan con libertad sus opiniones a partir del diálogo abierto y enriquecedor; decidiendo lo mejor para el país.

2. Equidad y Justicia Social

Para poder construir nuestra democracia, es necesario que cada una de las personas que

conformamos esta sociedad, nos sintamos parte de ella. Con este fin, el Acuerdo promoverá el acceso a las oportunidades económicas, sociales, culturales y políticas. Todos los peruanos tenemos derecho a un empleo digno, a una educación de calidad, a una salud integral, a un lugar para vivir. Así, alcanzaremos el desarrollo pleno.

3. Competitividad del País

Para afianzar la economía, el Acuerdo se compromete a fomentar el espíritu de competitividad en las empresas, es decir, mejorar la calidad de los productos y servicios, asegurar el acceso a la formalización de las pequeñas empresas y sumar esfuerzos para fomentar la colocación de nuestros productos en los mercados internacionales.

4. Estado Eficiente, Transparente y Descentralizado

Es de vital importancia que el Estado cumpla con sus obligaciones de manera eficiente y transparente para ponerse al servicio de todos los peruanos. El Acuerdo se compromete a modernizar la administración pública, desarrollar instrumentos que eliminen la corrupción o el uso indebido del poder. Asimismo, descentralizar el poder y la economía para asegurar que el Estado sirva a todos los peruanos sin excepción. Mediante el Acuerdo Nacional nos comprometemos a desarrollar maneras de controlar el cumplimiento de estas políticas de Estado, a brindar apoyo y difundir constantemente sus acciones a la sociedad en general.

Declaración Universal de los Derechos Humanos

El 10 de diciembre de 1948, la Asamblea General de las Naciones Unidas aprobó y proclamó la Declaración Universal de Derechos Humanos, cuyos artículos figuran a continuación:

Artículo 1.- Todos los seres humanos nacen libres e iguales en dignidad y derechos y (...) deben comportarse fraternalmente los unos con los otros.

Artículo 2.- Toda persona tiene todos los derechos y libertades proclamados en esta Declaración, sin distinción alguna de raza, color, sexo, idioma, religión, opinión política o de cualquier otra índole, origen nacional o social, posición económica, nacimiento o cualquier otra condición. Además, no se hará distinción alguna fundada en la condición política, jurídica o internacional del país o territorio de cuya jurisdicción dependa una persona (...).

Artículo 3.- Todo individuo tiene derecho a la vida, a la libertad y a la seguridad de su persona.

Artículo 4.- Nadie estará sometido a esclavitud ni a servidumbre; la esclavitud y la trata de esclavos están prohibidas en todas sus formas.

Artículo 5.- Nadie será sometido a torturas ni a penas o tratos crueles, inhumanos o degradantes.

Artículo 6.- Todo ser humano tiene derecho, en todas partes, al reconocimiento de su personalidad jurídica.

Artículo 7.- Todos son iguales ante la ley y tienen, sin distinción, derecho a igual protección de la ley. Todos tienen derecho a igual protección contra toda discriminación que infrinja esta Declaración (...).

Artículo 8.- Toda persona tiene derecho a un recurso efectivo, ante los tribunales nacionales competentes, que la ampare contra actos que violen sus derechos fundamentales (...).

Artículo 9.- Nadie podrá ser arbitrariamente detenido, preso ni desterrado.

Artículo 10.- Toda persona tiene derecho, en condiciones de plena igualdad, a ser oída públicamente y con justicia por un tribunal independiente e imparcial, para la determinación de sus derechos y obligaciones o para el examen de cualquier acusación contra ella en materia penal.

Artículo 11.-

1. Toda persona acusada de delito tiene derecho a que se presume su inocencia mientras no se pruebe su culpabilidad (...).
2. Nadie será condenado por actos u omisiones que en el momento de cometerse no fueron delictivos según el Derecho nacional o internacional. Tampoco se impondrá pena más grave que la aplicable en el momento de la comisión del delito.

Artículo 12.- Nadie será objeto de injerencias arbitrarias en su vida privada, su familia, su domicilio o su correspondencia, ni de ataques a su honra o a su reputación. Toda persona tiene derecho a la protección de la ley contra tales injerencias o ataques.

Artículo 13.-

1. Toda persona tiene derecho a circular libremente y a elegir su residencia en el territorio de un Estado.
2. Toda persona tiene derecho a salir de cualquier país, incluso del propio, y a regresar a su país.

Artículo 14.-

1. En caso de persecución, toda persona tiene derecho a buscar asilo, y a disfrutar de él, en cualquier país.
2. Este derecho no podrá ser invocado contra una acción judicial realmente originada por delitos comunes o por actos opuestos a los propósitos y principios de las Naciones Unidas.

Artículo 15.-

1. Toda persona tiene derecho a una nacionalidad.
2. A nadie se privará arbitrariamente de su nacionalidad ni del derecho a cambiar de nacionalidad.

Artículo 16.-

1. Los hombres y las mujeres, a partir de la edad nubil, tienen derecho, sin restricción alguna por motivos de raza, nacionalidad o religión, a casarse y fundar una familia (...).
2. Sólo mediante libre y pleno consentimiento de los futuros esposos podrá contraerse el matrimonio.
3. La familia es el elemento natural y fundamental de la sociedad y tiene derecho a la protección de la sociedad y del Estado.

Artículo 17.-

1. Toda persona tiene derecho a la propiedad, individual y colectivamente.
2. Nadie será privado arbitrariamente de su propiedad.

Artículo 18.- Toda persona tiene derecho a la libertad de pensamiento, de conciencia y de religión (...).

Artículo 19.- Todo individuo tiene derecho a la libertad de opinión y de expresión (...).

Artículo 20.-

1. Toda persona tiene derecho a la libertad de reunión y de asociación pacíficas.
2. Nadie podrá ser obligado a pertenecer a una asociación.

Artículo 21.-

1. Toda persona tiene derecho a participar en el gobierno de su país, directamente o por medio de representantes libremente escogidos.

2. Toda persona tiene el derecho de acceso, en condiciones de igualdad, a las funciones públicas de su país.

3. La voluntad del pueblo es la base de la autoridad del poder público; esta voluntad se expresará mediante elecciones auténticas que habrán de celebrarse periódicamente, por sufragio universal e igual y por voto secreto u otro procedimiento equivalente que garantice la libertad del voto.

Artículo 22.- Toda persona (...) tiene derecho a la seguridad social, y a obtener (...) habida cuenta de la organización y los recursos de cada Estado, la satisfacción de los derechos económicos, sociales y culturales, indispensables a su dignidad y al libre desarrollo de su personalidad.

Artículo 23.-

1. Toda persona tiene derecho al trabajo, a la libre elección de su trabajo, a condiciones equitativas y satisfactorias de trabajo y a la protección contra el desempleo.
2. Toda persona tiene derecho, sin discriminación alguna, a igual salario por trabajo igual.
3. Toda persona que trabaja tiene derecho a una remuneración equitativa y satisfactoria, que le asegure, así como a su familia, una existencia conforme a la dignidad humana y que será completada, en caso necesario, por cualesquier otros medios de protección social.
4. Toda persona tiene derecho a fundar sindicatos y a sindicarse para la defensa de sus intereses.

Artículo 24.-

Toda persona tiene derecho al descanso, al disfrute del tiempo libre, a una limitación razonable de la duración del trabajo y a vacaciones periódicas pagadas.

Artículo 25.-

1. Toda persona tiene derecho a un nivel de vida adecuado que le asegure, así como a su familia, la salud y el bienestar, y en especial la alimentación, el vestido, la vivienda, la asistencia médica y los servicios sociales necesarios; tiene asimismo derecho a los seguros en caso de desempleo, enfermedad, invalidez, viudez, vejez u otros casos de pérdida de sus medios de subsistencia por circunstancias independientes de su voluntad.
2. La maternidad y la infancia tienen derecho a cuidados y asistencia especiales. Todos los niños, nacidos de matrimonio o fuera de matrimonio, tienen derecho a igual protección social.

Artículo 26.-

1. Toda persona tiene derecho a la educación. La educación debe ser gratuita, al menos en lo concerniente a la instrucción elemental y fundamental. La instrucción elemental será obligatoria. La instrucción técnica y profesional habrá de ser generalizada; el acceso a los estudios superiores será igual para todos, en función de los méritos respectivos.
2. La educación tendrá por objeto el pleno desarrollo de la personalidad humana y el fortalecimiento del respeto a los derechos humanos y a las libertades fundamentales; favorecerá la comprensión, la tolerancia y la amistad entre todas las naciones y todos los grupos étnicos o religiosos; y promoverá el desarrollo de las actividades de las Naciones Unidas para el mantenimiento de la paz.
3. Los padres tendrán derecho preferente a escoger el tipo de educación que habrá de darse a sus hijos.

Artículo 27.-

1. Toda persona tiene derecho a tomar parte libremente en la vida cultural de la comunidad, a gozar de las artes y a participar en el progreso científico y en los beneficios que de él resulten.
2. Toda persona tiene derecho a la protección de los intereses morales y materiales que le correspondan por razón de las producciones científicas, literarias o artísticas de que sea autora.

Artículo 28.- Toda persona tiene derecho a que se establezca un orden social e internacional en el que los derechos y libertades proclamados en esta Declaración se hagan plenamente efectivos.

Artículo 29.-

1. Toda persona tiene deberes respecto a la comunidad (...).
2. En el ejercicio de sus derechos y en el disfrute de sus libertades, toda persona estará solamente sujeta a las limitaciones establecidas por la ley con el único fin de asegurar el reconocimiento y el respeto de los derechos y libertades de los demás, y de satisfacer las justas exigencias de la moral, del orden público y del bienestar general en una sociedad democrática.
3. Estos derechos y libertades no podrán, en ningún caso, ser ejercidos en oposición a los propósitos y principios de las Naciones Unidas.

Artículo 30.- Nada en esta Declaración podrá interpretarse en el sentido de que confiere derecho alguno al Estado, a un grupo o a una persona, para emprender y desarrollar actividades (...) tendientes a la supresión de cualquiera de los derechos y libertades proclamados en esta Declaración.

SÍMBOLOS DE LA PATRIA



BANDERA NACIONAL



HIMNO NACIONAL



ESCUDO NACIONAL

DISTRIBUCIÓN GRATUITA
PROHIBIDA SU VENTA